

宋

會

要

全唐文

宋會要

黜降官二

仁宗慶厯七年正月八日降三司鹽鐵副使禮部員外郎劉浚知沂州度支副使文部員外郎陳洎知豪州戶部副使戶部員外郎梅賾知海州舊制紫宸殿燕契丹使三司副使當座朵殿閣門吏以告而浚等以為當座殿上即趨出不就席為閣門所彈帝怒而責出之 十一日西上閣門副使荆湖南路兵馬都監劉貽孫責安遠軍節度行軍司馬岳州安置 本路安撫使崔嶧言徭賦未平而貽孫輒托疾求尋醫也 二月二日前知宣州太常丞集賢校理趙宗道追一任官落職勒停坐

立鹽鈔上客人王安姓名將賣抄錢買絹并免借職田
未錢及奏雪時隱避詐妄上書不實故也 三日刑部
員外郎知制誥王琪責信州團練副使不僉書州事初
琪奉使契丹既入境屬疾肩輿以行及還副使錢晦言
琪至華定虜使醫候之無疾又在告多失言盖晦希執
政意以傾之 四月五日新陝西路轉運使薛紳降知
陝州新兩浙路提點刑獄王鼎降知深州前江南西路
轉運判官王綽候服除日取旨并知衡州楊紘自今毋
得除監司內降劄子紳前使京東路常委部吏孔宗旦
尚同徐程李思道据撫郡縣細過構起刑獄陷害人命
又紘鼎綽前在江東為監司謂之三虎紘已降知衡州

而紳鼎猶領使他道豈稱宣布德澤之任其各降知州
宗旦等並與遠小處差遣 九月四日引進使眉州防
禦使知渭州張元降領果州團練使知磁州時三司給
軍士郊賞濠州庫舊估物輕重不侔元輒平其直而給
之故及於責先是詔元不俟代乘驛赴闕續以告敕付
陝西轉運司俾俟元至永興軍給付便道赴任 十一
日新提點利州路刑獄公事太常博士張肅降知岳州
生前為廣南東路轉運判官於所部過市物也 十月
十六日引進使果州團練使張元降右領軍衛大將軍
知壽州元嘗假官銀遣人鬻于蜀又奏令軍民以物質
公使庫取息錢以佐公用故特降之 十一月二十三

日前京東路轉運使兵部員外郎張鑄降通判太平州
先是李孝仙嘗告孔直溫變事鑄疑其妄置而不問及
直溫被誅故降之 八年閏正月七日降河北路轉運
使兵部郎中皇甫泌監青州商稅提點刑獄祠部員外
郎田京監鄆州商稅前知恩州四方館使昭州刺史裴
德輿追三官為池州團練副使前恩州鈐轄皇城使李
昭度追三官為濠州團練副使恩州駐泊兵馬都監內
殿承制馮文吉除名長流梅州兵馬監押右侍禁趙惟
一杖脊黥配沙門島泌京生變發所部德輿昭度並以
妖黨結構久而不之察也文吉惟一皆懦怯棄城而文
吉後頗宣力故得以減等論 二十五日新知江寧府

司農卿林羅降如袁州先是江寧府火而羅辭不行故
降之 二十六日降勾當皇城司建寧軍節度觀察留
後楊景宗為徐州觀察使知濟州皇城使康州刺史入
內內侍省副都知鄧保吉落副都知為潁州兵馬鈐轄
左藏庫使通州團練使入內內侍省副都知楊懷敏為
文思使賀州刺史北作房使廬州團練使劉永年為洛
苑使英州刺史蔡州兵馬都監洛苑使眉州防禦使趙
從約領陵州團練使為濮州兵馬都監供備庫使榮州
刺史帶御器械王從善落職為曹州兵馬都監時崇政
殿親從官顏秀郭達王勝孫利等夜殺軍校劫器械登
延和殿屋入至禁中禁宮簾所內人傷臂其三人為宿

衛兵所殺王勝者走匿宮城北樓經日方得而捕者即
支分之卒不知其始所以謀景宗等皆領皇城司故坐
貶之 二月六日文思使賀州刺史入內內侍省副都
知楊懷敏為左藏庫使通州團練使滑州兵馬鈐轄落
入內副都知初懷敏以所部新從官謀為亂奪二官而
職如故諫官御史皆言今懷敏獨留不遣所坐與衆人
同而罰異故還所奪官而黜之 十六日降龍圖閣直
學士給事中張存為左諫議大夫知池州工部郎中直
史館張洎為都官員外郎監宣州稅並落職工部郎中
張昱之為祠部員外郎監鄂州稅濟州防禦使李端意
為單州團練使鄭州鈐轄殿中侍御史韓贄為太常博

士監江州稅監察御史梁倩為秘書丞監衡州稅習妖術人李教父屯田郎中曇為昭州判駕兄周御韶州衙前編管母曹州編管趙仲父母妻並鄆州編管初曇居冀州武邑有告其子教嘗在真定府師趙仲傳妖術者轉運司檄惠州通判梁倩鞠之而曇匿教不出及移文追逮甚急教遂自縊趙仲既論死而轉運司奏教暨仲父母妻子收放王則叛恩州武邑停吏魏化詣北京賈昌朝言教尚在恩州與賊同為亂比下御史臺治其事教實縊死存生前知真定府又與曇為姻家曇之汚前為轉運使端意前知冀州暫為通判皆失覺察倩為勘官而獄狀失詳故並責及之

十九日祠部員外郎集

賢牧理判三司度支勾院韓綜落修起居注知滑州綜奉使契丹問其家世綜言父億亦嘗持禮來契丹喜令酌酒既而復水大觴勸綜國信司言其生事故責及之繼以滑當虜使所由道徙許州三月十五日知江寧府右諫議大夫集賢院學士李宥降秘書監致仕通判水部員外郎高中立鈴轄供備使張昭懿兵馬都監內殿崇班侍其渙兵馬監押供奉官朱為政並罰銅衝替坐延火燒官舍不救護故也四月四日翰林侍講學士給事中羣收使柳植落職知蔡州知益州樞密直學士刑部郎中程戡落職知鳳翔府知澶州翰林侍讀學士兼龍圖閣直學士禮部侍郎王拱辰落職依舊知澶

州右諫議大夫權御史中丞魚周詢落職知永興軍並
坐舉張得一不當故也 五月二日降知池州左諫議

大夫張彥知郴州衡州團練使知澶州王德基為四方

館使榮州刺史西上閣門使知保州王中庸為引進副

使殿中侍御史劉元瑜罰銅二十斤

並王者舉張得一也

八月

十一日翰林學士原端明殿學士右諫議大夫知制誥

史館修撰張方平右諫議大夫權御史中丞楊察兵部

員外郎兼侍御史知雜事張昇祠部員外郎集賢校理

知許州韓綜並落職方平滁州察信州昇濠州綜袁州

開封府官判官司勳員外郎种世材奪兩官勒停三司

戶部判官祠部員外郎集賢校理楊儀奪三官責郢州

別駕楊儀之妻富民程文昌妻之從姊也以故儀與文
昌交私文昌叔守顗為人訟冒名買中年死馬務文昌
為請于儀而持簡者誤達開封縣楊日就日就告發之
命翰林學士錢明逸知制誥呂公綽鞠其事而懷德故
從妹有別產在許州陽翟縣以無子籍入官懷德因文
昌從儀乞書禱繇欲妄認同姓產書至而其獄已移他
州綽坐不時以聞守顗嘗詈人而世材聽儀之請輒貸
之又昇為判官曰文昌毋誣家婢置藥羹中而昇未嘗
追辨其事方平生嘗託儀市女口察以知開封府失察
舉然昇皆去官而方平法不應得罪時皆貶之十六日
三司監鐵副使兵部員外郎仲簡為工部郎中河東轉

運使簡奉使過陝州謁知州吳育御馬者不由戟門而入簡怒舉馬箠擊之流血為育所奏而出之十月二十六日翰林學士兼侍讀學士右諫議大夫知制誥史館修撰宋祁落職知許州國朝以來命妃未嘗行冊禮然故事須俟旨方以告教授之又凡降制皆從學士院待詔書告辭送中書結三省衙官告院用印然後進書入時宣制畢禮止就院寫告直取官告院印用之遽封以進方妃寵盛欲行冊命之禮得告怒擲地不肯授故貶及之而祁上言昨宰臣召赴中書詰問學士院誤進入貴妃官告事伏緣冊禮久不曾行臣實不知典故次第將謂先合進納制書一面自行冊禮所以修厲不先報

中書誤便投進並是臣不詳典禮成此過誤不敢逃罪
切以朝廷方舉盛禮中外欣聞臣當鑠宿降麻乃是榮
幸今來過誤進入恩告非緣人吏之罪罪盡在臣乞從
貶黜以正公議伏望哀憫臣性識疎暗不諳朝廷制度
只是一時誤謬即別無他情理乞除臣合得罪外其干
繫人吏特行寬貸 二十七日三司鹽鐵判官金部郎
中金良獮降知利州生不覺察吏受財也 二十九日
虞部郎中知連水軍逢冲責安化軍節度副使不簽書
州事冲母老不肯去鄉里而冲輒迎妻母之官為御史
臺所彈責及之 皇祐元年三月七日邢州管内觀察
火李端愿時奪一官勒停以內殿崇班曹觀訟端愿納

父婢又嘗殺驢以饗賓客故責及之 四月十三日降

翰林院學士知蔡州開封判官祠部郎中張式知岳州
推官屯田員外李舜元通判壽州先是妖人冷青妄言
母王本宮人因禁中火出之以嘗得幸有娠嫁冷緒而
生青明逸以為狂人置不問止送汝州羈管開封府推
官韓絳上言青留外非便宜按正其罪以絕群疑既按
得其姦狀青與其黨高繼安皆處死又府有婦人鄭以
罪繫獄而為獄吏榜之墮足死故皆及於責 八月二十
四日建寧軍節度觀察留後楊景宗責左監門衛大將
軍均州安置坐不覺察從人王安兵从入皇城誣告同
列不執故貶之尋徙鄧州 二年六月十五日判亳州

宣徽南院使建武軍節度使郭承祐落宣徽南院使知
亳州以諫官御史言其在南京日輒批宣頭擅留上供
糧船又出入擁衛槍旗以禁兵作圍狂僭無人臣禮詔
本路提刑楊孜體量得實乃有是命 八月三日再降
知亳州建武軍節度使郭承祐為許州兵馬總管先是
臺諫論列承祐以降黜復言乞不與知州差遣故有是
命 三年正月二十三日降大理寺丞譚異王鑑為幕
職官遠小處監當初異與鑑自言在銓磨勘當在祀明
堂前與閔邱孝修等一甲引見而為有司離為二甲致
改官不得預覃恩請如孝修例更遷一官帝疾其僥求
而降之 二月二十八日翰林侍讀學士兼龍圖閣學

士給事中史館修撰宋祁知亳州生張貴妃母家門客
張彥萬偽為敕而祁子嘗與之遊也 七月二十五日
職方員外郎知萊州聶世卿降知信陽軍殿中侍御史
張擇行言近為京東賊盜虜却通判虞部員外郎井淵
斯亦州郡不得其人也而井淵身為通判不能為國除
盜而復為賊所縛甚辱君命也降充監當雅協公議其
知州聶世卿為郡長吏不能覺察盜賊今聞止移知州
差遣乞亦降充監當故有是命 二十六日降提點河
北路刑獄公事度支郎中席平知 州以職事不修也
八月二十三日提點河北刑獄公事祠部郎中孫預
降知小郡供奉官閣門祇候張易降小郡都監今後更

不差充按察官先是內侍李希晟迎候虜使在雄州與判官左振筵會踰例有言其事者下提刑司體量既而畏避但言歲遠無以辨明特免振希成官故及於責

十月十九日殿中侍御史裏行唐介責授春州別駕初介上疏言宰臣文彥博陰結禁中且薦富弼為相帝怒召兩府以疏示而介面諭不已樞密副使梁適叱曰唐介下殿介辭益堅帝令送御史劾介既下彥博獨留再拜言臺官言事職也願不加罪帝不許乃命告制舍人就殿廬草制而貶之翌日改英州二十三日起居舍人知諫院吳奎知密州時言者以奎素結文彥博也四年二月三日降利州路轉運使度支郎中李熙輔知

商州提點利州路刑獄公事度支員外郎張經知歙州
並坐按部無狀也六日降提點江南東路刑獄公事都
官員外郎張肅知睦州同提點內殿承制閣門祇候趙
牧小處都監先是朝廷以京東淮浙江湖路災傷令轉
運使提點刑獄分部處察而肅等稽違不行乃奏準編
敕每遇出巡仍須同行又請挈家於分定州軍帝曰始
令分路巡按蓋急於撫卹疲羸督視盜賊而肅等乃欲
挈家以自便故降之 八月一日廣南西路轉運使主
客郎中劉文炳削五任官責筠州團練副使不令書州
事前本路轉運使司封員外郎蕭固降知吉州生儂智
高反失備禦也 十六日廣南東路轉運使全部員外

郎王罕降主客員外郎監信州酒罕初往潮州議擅事
聞智高圍廣州即領兵還入城為守禦備其城所以得
不陷者皆罕之力然朝廷以章奏不時達故降之 二
十五日提點廣南西路刑獄公事職方員外郎李上交
降太常博士監安州酒稅坐失禦賊也 九月十五日
降廣南西路同體量安撫經制賊盜起居舍人直史館
知諫院楊畋知鄂州仍落知諫院同體量安撫西上閣
副使曹修為荆南駐泊兵馬都監東路兵馬鈐轄兼捉
賊盜宮苑使韶州團練使蔣偕為潭州駐泊兵馬都監
十六日再降畋為屯田員外郎直史館修撰為洛苑
副使兼閣門通事舍人偕為北作坊使忠州刺史初畋

與修聞智高徙軍沙頭將濟因命棄英州且令偕焚糧
儲及召內殿承制并贊奉宗閣西頭供奉官閣門祇候
王從政退保韶州仍以公文申御史臺及諫院故并責
之 十月十五日兵部郎中天章閣待制仲簡落職知
筠州以簡在廣州雖不能禦智高而完城自守故薄責
之 五年正月七日兵部郎中知筠州仲簡降刑部郎
中簡既落職知筠州而言者以智高方至廣州老幼皆
奔走入城簡拒而不內以故多被害而廣人怨簡故再
責之 二十三日屯田員外郎直史館知鄂州楊旼降
太常博士知光化軍旼先降官而言者尚以處事乖方
後師逗遛再有是命 二十七日降廣南東路兵馬鈐

轄文思使王錯為文思副使建州兵馬都監初智高自
邕州順流而下仲簡令錯領兵扼端州乃留市船亭不
行欲還守城簡不許遂自領兵入城翌日海上巡檢右
侍禁王世寧請分兵以往錯懼不從及賊至城下促世
寧既至南門引大義責錯稽留不進錯怒以世寧違軍
令而斬之朝廷下廣州體量而魏瓘言世寧為海上巡
檢若令勅兵入城則舟船為賊所有自當獲罪況其人
膽畧敢戰且能守職其死甚冤既降錯而今訪世寧子
以聞 二月二日降西京左藏庫使康州刺史沈維恭
為庸備庫使監蔡州商稅西染院副使兼開門通事金
人張承行為供備庫副使監汝州商稅並坐勾當會靈

觀遺火也惟恭德妃之弟承衍樂安郡主婚也既以謫
降而妃為之上章乞留京師帝曰已行之命為國戚所
回則法徒設矣乃名開封府促行二十一日貸知邕
州禮賓使宋克隆死除名杖脊刺配沙門島溪洞都巡
檢東頭供奉官同修城劉莊除名杖刺福建牢城賓州
推官權通判王方欽州靈山縣主簿權推官楊德言並
除名免杖刺配湖南本城永不錄用並坐僮賊至棄城
也克隆自智高陷邕州殺陳拱被選知州事而經賊踐
蹂之後未能葺城壁頗縱士卒下諸山寨殺逃民詐為
獲賊一級賞錢十千又為偽帖與親兵以為嘗有功及
賊再據州而城中無兵備遂遁去斷救下是日大雨雹

帝急遣中使追敕已不及人頗憫之 三月九日廣南
東路兵馬都監供備庫使蘇絨責房州司馬廣南西路
兵馬都監內殿崇班趙懷恩追三任為太子右內率府
副率全州安置右侍禁尹修已左班殿直蔡鼎臣各追
三任官配京東本城並坐邕州金城驛軍敗也 四月
八日陝西路轉運副使度支員外郎范祥降屯田員外
郎知唐州祥初議解鹽通商驟加擢用狃於激切故擅
起古謂之役雖行降黜議者猶以為輕 五月四日審
刑院詳議官周識監無為軍茶鹽酒稅務詳斷官陳宗
道監池州清酒務坐斷奏永興軍江阜案內有況詛厭
魅誤進入故也 閏七月二十三日降翰林院侍讀學

士刑部郎中呂公綽為龍圖閣學士知徐州侍御史吳
秘知濠州提點淮南路刑獄公事度支員外郎集賢校
理孫錫知太平州度支員外郎王礪知信州初道士趙
清貺配嶺外行至許州死諫官御史皆言龐籍陰諷公
綽面令決杖近脊下故清貺不至配所而死公綽遂得
罪出外而錫生前為淮官礪為判官秘亦以獨不彈奏
故皆責及之既而公綽上章自辨乃詔知開封府楊察
按其事且言斷清貺時在判官聽非公綽面決然命已
行止令劄示公綽而已 八月二十九日前知常州祠
部員外郎集賢校理邵必落職監邵武軍稅坐在任日
誤斷犯盜人高慶徒刑江陰軍江陰知縣殿中丞陳合

重勘候斷公事復收慶供析不實再決杖刑令特勒停
前提刑度支員外郎蘇舜元同提刑內殿崇班閻門祇
候常鼎提刑屯田員外郎苗振免勘各罰銅一十斤高
慶常州特支錢一十千 十月十六日滁州錄事叅軍
路盛追官勒停盛馬斃怒廐人芻秣不時杖之令抱巨
石立五晝夜又杖之大理寺杖斷八十私罪帝以盛所
為苛暴貴畜而賤人特貶之也 六年二月二十四日
同知太常禮院祠部員外郎史館檢討張芻落職監潭
州稅坐乞罷溫成皇后忌辰復為父太祝收已授資州
僉判不合乞落職代父入川故故也 至和元年七月
二十二日殿中侍御史馬遵知宣州殿中侍御史李景

初通判江寧府主客員外郎殿中侍御史裏行吳中復
通判虔州初遵等既彈宰相梁適多私又言三司判官
李虞卿根究出客人李士宗所陷茶錢數萬緡士宗與
司門員外郎劉宗孟同販茶而宗孟與適連親乃出虞
卿為陝西提點刑獄及事下開封府而宗孟未嘗與士宗
販茶又與適非親帝以遵等言不實故并出之 十一
月三日降同知太常禮院太常博士集賢校理吳充知
高郵軍太常寺太祝集賢校理鞠真卿知淮陽軍初中
書下禮直議溫成元廟事判寺王洙令禮直官填印紙
中中書充等乃移文送開封府而知府蔡襄釋不問及
諫官論其事不已朝廷以為充等風使言之故有是命

五日太常丞直集賢院判三司都磨勘司馮京落同
修起居注坐上言吾充鞠真卿不當出外 二年四月
十五日兵部員外郎知制誥吳奎知壽州初奎為契丹
國生辰使既至會丹契主加號欲奎入稱賀而固執不
從因別設次令就觀禮既而涿州移文以謂契丹使至
南朝遇盛禮皆入預慶賀故出之 六月三日群牧判
官祠部員外郎李壽朋降知汝州坐皇城卒報游從不
檢也 七月六日龍圖閣直學士刑部員外郎任頴降
天章閣待制仍舊知渭州先是頴知潭州會廣州大商
道死且籍其財得真珠半兩以無引漏稅沒於官頴與
本路轉運判官李章及其僚佐賤市之其後死商之子

訟於三司遂置獄湖南案未上三司使王拱辰悉以珠
進內御史趙抃彈奏拱辰以李章宰相陳執中之婚陰
有附結請并劾拱辰以戒中外至是奪頗職徙章監當
餘悉追停之 十一日宣徽院使判并州王拱辰復為
尚書左丞端明殿學士兼翰林侍讀學士知永興軍初
御史趙抃等累言拱辰前知并州與僚官頗從燕逸為
三司使令內臣廖浩然進未斷商人真珠入內又奉使
契丹與宋選飲至醉座間賦詩不謹語言遂罷之 十
二月一日知廬州龍圖閣直學士刑部郎中包拯追一
官降小郡坐任陝西轉運使日舉鳳翔監稅柳州軍事
判官廬士安不當故也 嘉祐元年六月十一日降知

澶州修河都總管天章軍節度觀察留後李章知曹州
河北轉運副使同管勾修河司封員外郎燕度知蔡州
提點開封府界縣鎮公事同管勾修河度支員外郎蔡
挺知滁州修河都鈐轄北作坊使果州團練使內侍省
內侍押班王從善為濮州兵馬監押修河都監供備庫
副使張懷恩為內殿承制提舉黃河埽岸殿中丞李仲
昌為大理寺丞初黃河自商湖決北流經大名恩冀歲
暴溢為民患而挺與仲昌等建議塞北流以入于六塔
河然六塔河隘而不能容一夕河復決漂溺兵夫與提
塞之費不可勝計 七月一日同提點廣南東路刑獄
公事左藏庫副使馮文俊降廣南西路監初審刑院斷

文俊前知鎮戎軍失入死罪二人引去官勿論帝以人命之重特降之故有是命 八月十二日降荆湖南路轉運使李肅之知齊州知荆南府王達知兗州知辰州宋守信為鄧州駐泊兵馬都監通判辰州賈師熊通判邵州以肅之守信師熊等人同討彭仕義而軍士被殺傷者二百四十餘人及王達給軍士裝錢不均也 十一月二十六日降知澶州樞密直學士給事中施昌言為左諫議大夫知滑州太平軍節度觀察留後李章為邢州觀察使司封員外郎燕度為都官員外郎北作坊使果州團練使內侍省押班王從善為文思使度支員外郎蔡挺追一官勒停內殿承制張懷恩潭州編管大

理寺丞李仲昌英州衙前編管初仲昌等修六塔河既不就而言者以謂濟博濱之民重罹水患乃遣殿中侍御史吳中復文思副使帶御器械鄧守恭置獄于澶州昌言等並坐奉詔俟秋冬塞北流而懷恩仲昌擅進約既塞而復決枉費工料懷恩與仲昌仍坐於河上盜所監臨物故重貶之十二月二十七日皇親克敦罰銅十斤屯田員外郎阮逸追三任官湖北編管進士曹觀劉規各殿一舉罰銅六斤主簿辛有儀術替坐唱和詩語涉不遜故也二年七月二十八日知麟州六宅使帶御器械武興除名江州編管坐與西人戰斬道場而棄軍先入城八月一日知襄州兵部員外郎知制

誥賈黯降知郢州初黯以父疾輒委郡印歸鄧州御史
吳中復等言黯父年高不能解官就養鄉廬乃擅去官
守撓朝廷法又通判襄州胡揆不待命而承權州事請
劾罪以聞既降黯而揆特釋之 九月十六日知鄧州
吏部郎中天章閣待制劉元瑜降知隨州坐前知潭州
私補畫工易元吉為助教 十月十四日降內侍省內
侍副都知昭宣使果州防禦使武繼隆為海州兵馬都
監翰林侍讀學士新知郢州趙槩罰銅三十斤坐私役
兵葺園亭當追一官勒停免之槩嘗與繼隆同提舉諸
司庫務繼隆既被劾上言營救為御史所彈 十一月
九日太常博士祕閣校理知濱州王起著作佐郎簽書

判官公事宋定國各追一官勒停初本州衙前劉玉經轉運使李叅訟私船侵奪官渡課利而起等嘗以私船日易官鹽以益公用故主私船戶而不直玉及轉運司劾其事起輒上奏輪辦至是遣職方員外郎李真御史就州置獄皆以上書詐不實罪坐之 二十六日昭德

軍節度使知并州龐籍降觀文殿大學士戶部侍郎知青州初司馬光以築堡事曰籍籍用檄麟州築之及郭恩等敗沒遣御史張伯玉按鞠而籍匿光初所陳事故先得以去官原罪而籍為諫官御史所言故有是命三年正月二十九日提點利州路刑獄公事都官郎中馮誥降知商州坐前知華州失入劫囚吳義等十六人

死刑 二月十日太常博士言程初責邵州團練副使
監衡州鹽稅皇祐中初嘗朔叛因失實貶官主是上章
自訴其辭語皆屬以聲韻頗為慢侮復貶之三月三日
勾當御廚駕部員外郎李象中供備庫副使張茂之內
殿承制韓從並貸命配江南京西等處衙前編管八內
西頭供奉官盧待問追兩任官勒停生自此十五日
新提點江南東路公事沈康降知常州以知諫院陳升
之言康才品下人而素無廉白之譽故也 二十一日
刑部郎中直龍圖閣知兗州王逵追一任官勒停都官
員外郎通判馬預贖銅徒小處通判初逵以公用蠟燭
及墨遺京師要官又課人輸枯骨而葬之以故冢墓多

被發者及離細民夫婦而自主其嫁婚馬預訟其事而預亦以鬻所得酒於部中故偕坐之五月九日降知汝州祠部員外郎李壽朋知荆門軍同提點京西路刑獄公事西京左藏庫副使石用休知威勝軍時御史朱處約奉使過汝州言京西歲饑壽朋令郡人獻林木修官廨宇亭榭以勞民下提刑司體量而不以實故并責之十三日三司監鐵副使右司員外郎郭申錫降知滁州教榜朝堂曰申錫官職事守不為輕矣所宜慎其所舉以道吾民者屬與李參相視決河論議之異遂成私忿章奏屢上辨訴紛然敢為詆欺處之自若以至興起大獄置對逾旬參驗所陳無一實者士人之行乃至

是乎使吾細民何所視効先是申錫至澶州與本路都
轉運李參議河事既而不協申錫訟參遷諫議大夫繇
呂公弼私相薦引為僥倖又言參密遣指使高守忠齎
黃河畫圖入中書私干宰相文彥博為御史張伯玉彈
奏參等姦邪結托遂詔天章閣待制盧士宗右司諫吳
中復制勘而申錫所訟及彈文皆不實伯玉以風聞免
効故止坐申錫而貶之 七月二十一日降前知雄州
舒州團練使馬懷德為四方館使英州刺史前高陽關
路兵馬鈐轄北作坊使廉州團練使閻士良為崇儀使
以御史呂景初言懷德在雄州因士良入奏事而嘗以
牛黃麝香賂之 十月三日新除齊州防禦使高陽關路

馬步軍總管劉鼎年為單州團練使知涇州以臺諫官
言鼎年進緣戚里且未嘗有邊功四年二月七日提
點河東路刑獄公事祠部郎中龐汝弼降知華州生嘗
知遂州補畫工陳義為傳神學究二十七日吏部員
外郎天章閣待制知隨州劉元渝降禮部員外郎知信
州生失五月八日屯田員外郎通判定州安保衡責
左化軍節度副使監高郵軍酒稅以御史知雜事其中
復言保衡訴其父取雜戶任民奏授邑號且其父死時
保衡尚幼及今三十年豈無保養之恩此人情之所不
忍請行廢點之七月十二日觀文殿學士禮部侍郎
知壽州孫沔責寧國軍節度副使知忻州四方館使李

中吉降東上閤門使汝州兵馬鈐轄初臺諫言沔前在
杭州貪穢不法又在并州多暴虐及冬李中吉自忻州
載家妓縱飲下逐路按得其實而貶責之 八月二十
八日降知河陽龍圖閣直學士工部侍郎李東之為給
事中知虢州工部郎中知制誥王琪為度支員外郎知
饒州並生失保任也 九月二日權發遣三司度支判官事太
常博士張田知蘄州初田請減宰臣至百官祿饗恩賜
而宗室內臣軍旌並如故諫官唐介言其志在沽激故
出之 二十一日翰林院侍讀學士尚書禮部郎中知
和州呂溱落職分司南京溱初坐枉真定私使官米麪
等事已奪官而權御史中丞韓絳知諫院唐介等言不

遂遣官置而再降之 二十一日鄜延路馬步軍總管
光州刺史王德恭降西上閣門使榮州刺史權永興軍
路總管生前在真定假寺僧車牛赴鄜延路也 二十
四日降禮部郎中分司南京呂添為兵部員外郎以言
者言前貴尚輕也 十月一日虔州巡檢左侍禁王咸
孚除名廣南編管以江南盜賊戴小八殺虔化今不即
擒捕也 五年正月七日新知信州屯田員外郎蔡挺降
知南康軍初挺與李仲昌開六塔河坐罪勒停以裕鑒
執起知信州而監察御史裏行王洵言挺前固朝廷以
希功賞使滿 以來民被其害至今未已故復降之
九日度支員外郎集賢校理胡俛持勒停兵部郎中秘

閣校理解賓王落職知建昌軍始賓王因營葬求知登
州及俛代賓王乃上言營葬者不得請鄉郡又因事杖
其妻黨賓王深銜之遂訟俛嘗擅役軍匠代州解中桐
木作私器俛既坐自盜而知諫院范師道言賓王與俛
並在館閣事緣鄉里黨然作訟頗虧士風故并黜之
四月二十九日降右司監秘閣校理吳及為工部員外
郎知廬州太常博士監察御史裏行沈起落裏行通判
越州初諫官陳升之建議裁節班行補授之法下兩制
臺諫官集議已定及與起擅改議草令買撲興國軍磁
湖鐵冶仍舊與班行翰林學士胡宿等奏劾及等職在
臺課官而為磁湖大姓程叔良家營致恩澤乞召問其

狀既而及等引罪無以對故並黜之 五月八日戶部
郎中知制誥張瓌降知黃州秘書省秘書郎館閣校勘
劉瑾落職初瓌當草故宰相劉沆贈官告辭而其言多
鄙易瑾懇訴於朝且詆瓌出外而瑾亦落職仍命舍人
別撰告以賜之 二十二日右諫議大夫權御史中丞
韓絳罷職知蔡州初絳彈奏宰臣富弼且言張茂實人
以為先帝子而引用管軍事密難測既而居家待罪言
自不敢復稱御史中丞帝遣中使召不出朔日臺屬官
往勸之乃出入不束笏穿朝堂知諫院唐介右正言王
陶侍御史知雜事范師道御史陳經呂誨裏行陳洙等
皆言絳論事不當久失於舉錯故黜之 七月十一日知

晉州都官員外郎吳京追三官壽州編管前提點河東
路刑獄公事祠部郎中龐汝弼特勒停同提點刑獄西
京左藏庫副使寇利一前同提點刑獄禮賓副使段隱
各衝替先是京犯自盜賊而汝弼嘗多取寄州厨生餼
又利一數與京聚會隱亦嘗受公用銅洗羅故并坐之
九月二十四日降駙馬都尉安州管內觀察使李瑋
為和州防禦使仍與外任差遣瑋所生母惜公主公主
夜開皇城門入禁中瑋上表自劾故責及之俄免降官
止罰銅三十斤十月十四日祠部員外郎知建昌軍
楊義免追官與監當差遣先是建昌富民曾均歐殺人
獄未具轉運使馮浩移所部官石麟之推劾連逮而死

獄者十有餘人儀論其事坐不實法當追一官特寬之
十一月一日知桂州刑部郎中集賢殿修撰蕭固落
職知江州降知邕州西上閣門使蕭注為引進副使荆
南兵馬鈐轄初臺諫官等並言固等在廣西所為不公
至是又不察管下西平州溪洞使臣匿外界人口致領
衆殺害兵官故責及之六年四月二十七日禮部郎
中天章閣待制知諫院唐介知洪州右司監趙抃知虔
州兵部員外郎兼侍御史知雜事范師道以本官出知
福州侍御史呂誨知江州初陳升之除樞密副史介等
交上章彈奏升之素與勾當御藥院王世寧連姻因而
固炳臣又知開封府嘗於豪民家市馬而賤償其價帝

出奏示升之升之請下有司辨虛實遂家居不出自求
罷去帝遣中使以手詔召出之介等復居家待罪頃復
出如是者數四帝顧謂輔臣曰凡除拜二府朕豈容內
臣預議耶而介等言不已故兩罷之 七月一日光祿
寺丞知蘇州長洲縣夏噩特勒停坐私貸民錢噩中制
科以本路提點刑獄陳道古惡其輕傲据其事而按發
之 十七日知江州刑部郎中蕭固追三官責蔡州團
練副使廣南西路轉運使度支郎中宋咸追一官勒停
固坐知桂州日令部吏市女口及差指使人兩浙商販
私物咸在邕州射銀襍子凡九百六十九斤及事覺察
詐收入本司公使簿 七年二月三日環州都巡檢內

殿崇班柴元肅平遠寨監押右侍禁安鎮並勒停寨主
陳玉淮南編管坐擅用舊法和斷也舊族舊官咻迷埋
及擅放質子還也 十月十九日翰林學士左司郎中
知制誥權知開封府賈黯同提舉在京諸司務務先是
權御史中丞王疇諫官司馬光龔鼎臣王陶御史陳經
呂誨傅堯俞等皆言黯剛愎自任赦書下府而罪當原
者返重行之又嘗因忿怒以矢塞人口都人莫不憤怒
故罷之 八年六月二十一日司封郎中知桂州潘夙
降比部郎中監隨州酒稅初夙轉運湖北與判官韓繹
不協而繹又與知鄂州王正民有隙夙乃以匿名書構
繹於正民以間具服故坐貶之 英宗治平元年正月

二十三日荆湖北路轉運使劉述降睦州坐擅支茶本
租錢及令商人貼鹽抄錢以亂鹽法而奏報不實故也
四月十九日左驎驥使廬州團練使真定府路鈴轄
閻士良降北作坊使滁州兵馬都監坐數侵詆安撫使
張揆詐疾在假不赴行香巡教帝即位遣使賜詔書衣
帶而不肯出迎拜受也 五月九日太子右贊善大夫
致仕劉注追三官潭州編管注故宰相沆弟坐盜里人
牛殺食之及刺僕人面為逃走字故也 閏五月八日
陝西路轉運使主客郎中薛向降知汝州初向按部夜
至陝州靈寶縣驛有前榮州應靈縣令崔令孫已舍堂
上向令舍行李於廳事而從卒南密等五人突入趣令

移徙孫因驚遂仆死其家訟寃成法寺比附恐迫人致死論密斬詔貸密死杖脊刺配而向坐失約束也

二十二日翰林學士范鎮罷為翰林侍讀學士初遷

宰相各一官而鎮草制已遷曾公亮一官誤以兼門下侍郎後帝覺其誤而公亮亦辭遂帖制而絀鎮焉七

月六日侍某監成都府稅趙昌緒特勒停昌緒參知政事趙鼎兄子坐母自殺而妄稱風疾當罰金槩言昌緒不孝乞法外重斷詔論罰如法而特勒停八月十一

日提點在京倉草場比部郎中薛仲孺通判汝州同提點西京左藏庫副使帶御器械衛克勤鄆州注洎都監坐擅越界支軍糧故也十七日荆湖南路轉運使光

祿少卿杜植知安州轉運判官職方員外郎宋迪知萊
州初永州零陵縣令徐復誤斷縣人失牛提點刑獄方
劾而植等誤引大理失入杖罪不劾例牒提點刑獄今
勿劾及奏上復坐衡替而植等亦坐罰及更訟復以為
不足罪若朝廷謂臣等執情營救乞責降故有是命十
月二十八日江東路轉運判官屯田員外郎謝景溫降
通州通判

坐修禹春
圩不當也

十二月一日右贊善大夫程嗣

直除名荆門軍編管生謀殺其兄子詵孫也初嗣直虐
其兄諸子閉之一室薄其衣食課書不中程輒笞榜又

縱婢子詈

辱之至是詵孫
直嗣直因詵孫
出盜家財傷嗣

今自殺事

發詵孫貸死配沙門島而嗣直有是命

十六日知制

誥錢公輔責滁州團練副使不食書州事祖無擇罰銅三十斤初王疇守本官充樞密直副使公輔嘗言疇未有功效可稱進擢太速故責之無擇生營救公輔并及罰二年正月二十四日翰林侍讀學士左諫議大夫張瓌降左司郎中知濠州翰林侍讀學士范鎮罰銅三十斤初銓法選人當補考須州申考功得報乃聽補既補而州以帳上考功乃得書為考然例或帳未至而以隨身歷較考者皆審取選人狀以證瓌子庖民主郢城縣簿錄願舉進士未嘗申考功補考而又帳未至同判銓范鎮令用例以隨身歷為證而不取審狀書考移縣令當是時瓌亦判銓雖不豫此事而罪問考功吏可否

御史林大年以此彈壞而開封治考功吏對如此府奏
上乃不復劾問奪瓌一官而貶之鎮止贖全而已二
月十六日陝西路都轉運使光祿卿陳述古降少府監
知忻州初述古權渭州夏人圍同家堡副總管劉凡請
出兩將援之述古不肯凡與諸將連狀請又不肯凡以
手詔趣述古怒移凡權知鳳翔而奏生事稍為軍人所
怨怒又嘗無名出兵致寇朝廷以總管非轉運司所得
擅移方劾而劉凡人自言為述古所誣於是遣御史林
大年劾述古所言皆無實狀故貶之三月十七日祠
部員外郎秘閣校理同知太常禮院晏成裕追兩官勒
停坐監禮太廟留祭酒不以實尊及闕入真宗廟室為

宮闈令所發會降當從御史杖趙鼎請重竄責以懲貧
惡故有是命 八月二十五日前提點福建路刑獄公

事度支郎中王陶責建寧軍節度副使不僉書州事復
州安置坐妄奏知南劍州吳天常徇私不公挾情紀捨
構事不覺察男履潔興販私茶鹽收買銅器受客人銀
錢夾帶私鹽故也 十二月十九日太子中允集賢校
理新知曹州翔真卿落職知南安軍真卿當仁宗時每
遷除輒引儕輩有先已進用者怨望不遜至是曹州多
盜遷真卿以往而真卿又不肯往中書具真卿治平元
年從後七奏進而有是命 五年正月三日降知温州
張侗知小州兵馬監押張宗古監當坐温州火燒屋萬

四千間死者五十人 八月兵部員外郎侍御史知雜
呂誨降知新州侍御史范純仁通判安州太常博士監
察御史裏行呂大防知歙州休寧縣先是誨等言追尊
濮安懿王典禮以叅知政事歐陽修首倡邪議宰相韓
琦等附會不正昏當譴紂以解天下疑謗於是各納臺
官告牒家居待罪帝命闕門以告牒還之及令中書降
劄子趣使赴臺供職而誨等繳還劄子并前後所奏九
狀申中書堅辟臺職是日帝閱誨等奏問執政當如何
韓琦對曰臣等忠邪唯陛下所知歐陽修曰御史以為
理難並立臣等有罪即留御史若以臣等無罪則取聖
旨帝猶豫久之乃令出御史而曰不宜責之太重也故

有是命 二月七日起居舍人同知諫院傅堯俞降知
和州侍御史趙瞻通判汾州趙鼎通判溜州瞻鼎自契
丹使歸以嘗與呂誨言濮王等事家居待罪而堯俞新
除御史知雜事告牒不受帝數喻留堯俞等終求去故
也 六月二十一日前知泉州秘書監闕詠責保靜軍
節度副使不僉州事坐買部內蕃客禁物虧價九十八
匹及於仁宗喪中用妓謳歌飲酒不察子逸受賕故也
七月十四日太子中舍通判祁州孫祺監袁州鹽酒
稅坐越職言事入布露所奏故也八月五日右司郎中
天章閣待制新差知廣州閤詢落職知商州詢三月告
歸鳳翔焚黃五月發在道而監察御史裏行劉庠言詢

偃蹇自便近歲人臣以不虔君命為高積習驕慢寢以
成俗請黜一人以勵其餘故有是命 十三日監富國
倉屯田員外郎萬友降一官內殿崇班王從謹西頭供
奉官戴宏皆勒停坐受米濕惡懷十八萬石法官以過
疎決請減特有是命 九月十六日太常博士監察御
史裏行馬默落臺職通判懷州坐供職已來言事無狀
故也 十月七日前知房州職方員外郎董經臣勒停
坐用南郊赦擅放叛人景珣妻子祖珣亡八員國涇原
路送珣妻子房州編管後環慶路取珣妻子欲撫養以
間珣則徑臣於慶州法司比附應奏不奏杖八十公罪
去官勿論時鑑有母服經臣特有是命鑑服除與監當

卷之三 今令日

治平四年二月二十五日

神宗即位未改元

權提點廣南東

路刑獄公事司勳郎中呂元規降知欽州知英州職方

員外郎黃師旦追一任官監洪州酒稅元規坐鹵莽舉

貶移譚餘等公事赴韶州取勘師旦因縣尉王履亨捉

到譚餘作殺人賊後勘得餘無罪為元規移送韶州取

勘疑履亨教唆便枷禁履亨及放免百姓黃真徒役并

借教閱兵級等罪故也 三月四日御史中丞工部侍

郎彭思永降給事中知黃州主客員外郎殿中侍御史

裏行蔣之奇降太常博士監道州酒稅務坐言參知政

事歐陽修閤門事故也 四月二十四日右諫議大夫

權御史中丞王陶罷中丞充樞密直學士知陳州侍御

大吳中呂景罰銅二十斤坐不合過毀叅知政事吳奎
也 六月五日鄆州居住兵部郎中致仕王達宿州編
管先是京東轉運司奏達凶險貪婪干撓州縣本路之
人比之盜賊但于有利無不為者望送僻州軍安置永
不量移至是侍御史張紀繼言乞送廣南遠惡州軍編
管故有是命 七日龍圖閣學士工部侍郎權知開封
府傳求知兗州先是言事者累言求之不職求亦自請
補外有是命 二十二日開封府推官祠部員外郎集
賢校理竇卞知擢言事者以傳求不職因連及之亦自
請補郡故也 八月二十二日權發遣三司度支判官
公事屯田郎中皮公弼降知袁州坐於推貨務買真珠

喧競故也

二十四日都官郎中知郃武軍吳師服監

南康軍鹽稅務以考課院言師服連三考俱在下劣等

故有是命

二十五日太常博士監真州糧料院孫郃

武侯今任滿更與監當一任以臺官張唐英言郃武妻

余使過千錢因而打罵其妻典公身衣物填還後懷憤

自割身死案到稱余患心神不寧恐非本情乞酌情重

行貶降庶使余寬伸于泉下故有是命

十月三日兵

部員外郎竇文閣待制傳卞知懷州以侍御史張紀東

行張唐英言卞素稟姦邪陰相附會處在京筵不厭朝

議故有是命

十一月十六日右諫議大夫天章閣待

制陸詵知晉州

生延州不
氣賦也

十二月四日陝西路轉運

使司勳郎中權發遣延州薛向知絳州坐處置邊事失
宜也 神宗熙寧元年二月十三日京東路提點刑獄
光祿卿華中知蔡州以侍御史張紀言中材識庸下賦
性情疑濫處監司首宜澄汰故有是命 三月十八日
兵部郎中知制誥宋敏求降刑部郎中依舊職知絳州
祠部員外郎祕閣校理鄭雍太常博士集賢校理劉瑾
各降一官與通判差遣雍峽州瑾睦州右司郎中天章
閣待制郭申錫戶部郎中集賢殿修撰龔鼎臣工部郎中
祕閣校理同修起居注蘇頌員外郎集賢殿修撰兼侍
讀周孟易屯田員外郎集賢校理王汾祕書丞祕閣校
理韓忠彥各罰銅二十斤 坐在禮院定議皇親婚嫁

異同不當也

六月十六日淮南轉運使光祿卿史炘

降太常少卿知單州坐體量知泰州曹元舉疾愈不實

故也

二十三日太常少卿張頌分司南京以前任知

劍州日考課累在劣等故也

七月十二日右正言直

集賢院同知諫院孫覺降太子中允依前供職坐上言

指名陞黜兩府大臣故也

八月三日太子中允直集賢

院同知諫院孫覺通判越州

以言事失
官故也

十月二十八

日屯田郎中陳習監齊州新條鎮酒稅坐於韓對狀內

將不干已事夾帶論述指人過惡以逞私憾故也 二

年三月十七日前兩浙路提點刑獄司封郎中直昭文

館知桂州元積中同提舉兩浙路開修河渠虞部郎中

胡淮各降一官積中仍落職皆監當差遣知常州王說
前常州武進縣尉凌民瞻皆銜替積中淮坐浚南潤州
運河不如法而勞喫百姓及復望亭堰不利民瞻坐首
議復望亭堰及分料不均說坐初與積中等連狀奏浚
河之利朝廷遣使按視乃更極論其害及破劾乃曰忘
前嘗連狀也事下輔臣議以為民瞻當勒停上曰朝廷
以一路事付積中等自不當聽用民瞻民瞻不足深罪
令銜替而已 二十四日都水監丞宋昌言降一官通
判冀州王庠等令銜替同判都水監張鞏等罰銅各二
十斤坐去年河決冀州棗彊故也將方委昌言治三股河故將令
奪官領職如故 四月十八日前知信州都官郎中朱

師道降監當差遣坐在任日以二卒犯徒杖罪決刺差
互故也 二十二日龍圖門直學士工部郎中知秦州
孫永降天章閣待制知和州坐帥鎮亡狀奏報失實故
也 六月二十二日右諫議大夫權御史中丞呂誨罷
中丞知鄧州以誨論參知政事王安石見利忘義朋姦
害政商權財利動搖天下等十事安石求去位上命出
誨故也 七月二十七日著作佐郎新知衡州衡陽縣
章辟光降湖南路監當初御史中丞呂公著言辟光不
當干譟岐王建外郎事及素行貪猥所至俱籍上諭以
言事不可加罪然以辟光誠貪猥乃止其素行絀之
閏十一月二十八日知華州都官員外郎郭源明監淮

陽軍鹽酒稅坐理斷白麟偷稅公事不當及申奏不實
通判以下皆會降而源明又坐詈提點刑獄雷周輔政
時有是命 三年正月九日彰信軍節度觀察留後駙
馬都尉李瑋責郴州團練使駙馬都尉陳州安置楚國
大長公主薨車駕幸其第召中書入慟哭諭以瑋奉養
公主無狀故有是命 十七日前知莫州莊宅使柴貽範特
追兩官壽州編管順安軍簽判屯田員外郎王槩移遠
小處差遣貽範坐知莫州日任內貸富人錢及市賣物
有剝利槩坐鞠貽範事不盡故也 十九日知離州比
部郎中步翔特勒停青州簽判庫部員外郎薛維與監
當差遣翔坐知離州日剝差人員兵級送家眷離坐失

點檢會降特有是命 三月一日皇城使忠州團練使
馬偁降鄆州鈴轄坐前知涇州不覺察孔目官周實受
賂故也 七日翰林學士范鎮罷知通進銀臺司兼門
下封駁事先是諫官李常言州郡官吏有時不俟常平
錢斛與民而使民虛出息二分入官者上令常具州縣
所在官吏姓名聞奏欲劾治之而鎮封還中書劄子以
為常沮風聞言事不當使之具析中書以聖旨諭之使
下至數四終不肯會司馬光乞罷樞密副使許之而鎮
又封還詔書言光不可罷且自請解封駁事故有是命
二十五日右正言直集賢院同修起居注孫覺落職
知廣德軍始上欲使覺體量開封府界散常平有無抑

配覺奏敢不虔奉聖旨即日治行既而張戢等言不當

遣覺因固辭弗肯往上以為反覆故絀 四月八日戶

部侍郎守御史中丞呂公著為翰林侍讀學士知潁州

生數言事失實也 二十二日右正言秘閣校理李常降太常

博士監察御史裏行張戢太子中允權監御史裏行王

子韶並落臺職與知縣差遣常坐言散常平錢州縣有

不散而徒使民出息今具州縣官吏姓名至五六終不

肯其戢坐侵侮柄臣誣罔事實子韶坐所入章疏與面

奏事反覆不一故也 二十四日右諫議大夫知制誥

宋敏求罷知制誥坐不草李定除御史制詞及自以疾

乞罷職故也 五月十四日工部郎中知制誥李大臨

蘇頌落職歸班坐除李定御史累格詔命不下妄引詔
中丞薦舉條貫故也 二十一日皇城使開州團練使
沈惟恭除名瓊州安置進士孫棐處死棐為惟恭門下
客惟恭以干求恩澤不如所欲怨朝廷假他人指斥乘
輿之言以語棐因偽撰近臣章疏巧為謗讟詞極切害
故也 六月二十七日祕書省集賢校理同知諫院胡
宗愈落職通判商州手詔宗愈自領言職未嘗存心裨
補朝廷治道凡進對論事必潛伏姦意舍其事情旁為
邪說以私託公專在破壞正理中傷善良所為如此而
置之左右前後豈非所以自蔽聰明氣燄姦慝可落職
與外處差遣 七月二十五日前知杭州龍圖閣學士

右諫議大夫祖無擇忠正軍節度副使不食書州事丁
憂屯田郎中任浩追一官勒停經恩未得敘用國子博
士致仕錢羔羊追一任官衢州編管殿中丞致仕王景
追一任官勒停泗州叅軍張應岩追叅軍敕明編管監
杭州軍資庫司法叅軍孫輔特衝替無擇坐知杭州日
借貸官錢受浩等告囑法寺言已會德音無擇羔羊應
岩皆特斷而餘如有司所奏 二十六日龍圖閣直學
士刑部郎中判太常寺兼禮儀事陳薦降工部郎中祕
書監權同判太常寺兼禮儀事李及之降光祿卿起居
舍人直集賢院同判太常寺兼禮儀事章衡降右司諫
工部郎中充集賢殿修撰同判太常寺兼禮儀事周孟

陽降兵部員外郎祠部員外郎充秘閣校理同知太常
禮院文同降太常博士太常丞充秘閣校理張公裕降
太子中允並仍舊職並坐議宗室襲封不當而薦已差
知蔡州未行審刑院言去官御札批云雖去官薦實議
首可更不原故也 八月四日光祿卿苗振責復州團
練副使前明州司理叅軍韋肅特勒停坐前知明州不
法及故人裴士堯罪肅以阿隨振故也 九月侍御史
史劉琦為都官員外郎監處州鹽酒稅金部員外郎御
史裏行錢顗守本官監衢州鹽稅務生言事 十一日
殿中侍御史孫昌齡為屯田員外郎通判蘄州生論
不當 十四日兩浙轉運使太常少卿賈昌朝提刑光

祿卿侯瑾同提刑南作坊李惟寶並追一官仍降等差
坐不能舉劾祖無揮苗振故也 十五日兵部員外郎
兼起居舍人直集賢院同修起居注同知諫院范純仁
罷起居舍人同修起居注知河中府坐嘗厯詆大臣及
與御史擅去官曹也 二十八日工部郎中侍御史知
雜判刑部劉述知江州金部郎中集賢校理權判刑部
丁諷通判復州審刑院詳議官都官員外郎王師元監
安州稅述諷坐不依程限錄降謀殺刑名敕及誤引編
敕奏聽朝旨師元以論列謀殺刑名事不聽繳納差敕
擅不赴職故也 十月十九日工部郎中直龍圖閣知
慶州李復圭責保靜軍節度副使不僉書州事坐擅易

詔命出師侵敵騷動邊境敗衄喪師故也 二十二日
前知秦州右司郎中充天章閣待制李師中落職降度
支郎中知舒州秦鳳路鈐轄皇城使帶御器械向寶落
帶御器械充本路鈐轄著作佐郎王韶降授保平軍節
度推官依舊提舉秦州西路蕃部及市易司公事師中
寶坐前在秦州日稽留朝旨奏報反覆韶妄指閑田故
有是命 同日集賢校理王介館閣校勘劉攽罷判鼓
院同知太常禮院並令歸館供職先是介攽充進士考
試官議事不和御史張戢言介攽天資薄惡汚辱書館
肆為喧門慢侮多士命監試御史知雜陳襄具析因依
襄具相詬訾之語以聞詔各特罰銅八斤既而御史中

丞吳公著言欲素行猥薄言多褻慢一時流輩比之俳
優介稟性躁妄喜於爭鬪所至州軍目為狂疾昨試院
中放恣益甚語言傳播中外鄙笑乞削職與外處差遣
故有是命 四年正月二十二日太子中允權監察御
史裏行薛昌朝林旦并除舊官合入差遣生言事失實也 三
月十日工部郎中竇文閣待制王廣淵降度支員外郎
依舊知慶州初慶州兵亂徙廣淵知永興軍及叛兵隨
定廣淵止以賊發所部奪兩官故令復領慶州 十二日
殿前都虞候邕州觀察使邵寧環慶副都總管竇舜降
康州防禦使出叛兵故也 十六日都官員外郎施遵特勒
停坐與故左藏庫副使高允元妻林氏為婚夫服未滿

為夫弟高允懷告論御史林旦言其素行不修會降法
不當停特行 二十一日度支員外郎知制誥呂大防
落職仍奪兩官知臨江軍禮部郎中集賢殿修撰張問
落職知光化軍刑部郎中直史館陳汝義落職知南康
軍皇城副使种諤責汝州團練副使潭州安置大防以
預辟宣撫司敗事問汝義以調發勞民諤以寧堡失守
也諤未幾再貶賀州別駕 四月二十六日皇城副使
兼閤門通事舍人知環州种諤降西作坊副使依前閤
門通事舍人坐擅回牒夏國韋州許其通和故也 二
十七日河東轉運副使韓鐸降一官徙江東路初河外
修建堡寨以撫寧不守羅兀城無援有詔止河外初修

堡寨軍馬歸本路鐸所奏前後反覆異同故有是責也
五月二十五日龍神衛四廂都指揮使昭州防禦使
涇原路副都總管張玉降一官落軍職充本路總管玉
以遣兵討慶州叛軍韋達等勢窮降邠寧部將任懷政
送玉玉盡受達等降又殺之於邠州朝天故有是命
六月二十一日武寧軍節度使左僕射同中書門下平
章事鄭國公富弼落節度同中書門下平章事知汝州
先是提舉淮南常平倉趙濟言亳州界災傷縣多不曾
放稅及逐縣官吏不行詔令沮遏願請青苗錢之人置
獄劾治其事皆出弼意故有是責而通判職方郎中唐
諲僉判都官員外郎蕭傳屯田員外郎徐公袞文使石

夷庚永城鹿邑衛真蒙城城父譙鄆七縣令佐等十八人並衝替 七月三日兵部郎中天章閻待制知秦州朝績落職分司西京坐指使傳勅夜被酒誤隨入州宅績令員僚以鐵畧頭藤棒杖脊百餘致死大理寺約法合加役流除名勒停該德音降徒一年公罪追一官勒停故有是命仍賜勅家絹百匹恤非辜 四月降環慶路兵馬鈐轄文思副使忠嗣降一官徙永興軍兵馬都監坐慶州軍叛忠嗣遣曰直軍人送家屬往彭原縣虛散首功貼子以忠嗣討賊有勞又嘗經德音故止降徒而已 十四日翰林學士度支員外郎權御史中丞楊繪落翰林學士充翰林侍讀學士知鄭州太子中允館

閣校勘兼觀察御史果行劉摯落職監衡州監倉

生論
從法

不當

八月二十六日司封員外郎晏成裕特勒停經

恩未得敘用坐行檢不飾嘗褻服狎游里巷為御史言

而絀之

五年五月十八日

除年

左藏庫副使知保德軍高

渙責授太子左清道率

湖南

監當河東經東經略使劉

庠言先是呂公弼於新地建生寨俾渙提舉累辟催促

不來渙中自來不習武藝匹夫驍捷之能切慮差充編

俾之任為人驅策有誤國家大計兼連到奏檢稱萬一

或有差使不為在上者節制驅策俾專統三五萬衆蕩

平兇寇初囉兀之役心憚其行而外為大言及具元狀

進呈上謂撫臣曰渙違帥臣節制當時呂公弼不能行

法曲有假貸朕方責邊臣以事効如渙之選懦詐誕不
黜無以勵衆故有是命仍令進奏院遍牒諸路曉示

閏七月三日職方郎中李瑜周約供備庫使羅居中各
降一官坐為利州路監司日稱薦知利州左藏庫使周
永意不以實永意後以賊抵罪故也 八月二十五日

知偕州內藏庫副使劉舜臣特追一官勒停舜臣在階
州掠上蕃義勇餽錢及橋梁過者人率錢謂之打撲皆
以供公庖臺官彈奏下本路體量有實故有是責 二

十七日太子中允同知諫院唐珣降大理評事監廣州

軍資庫

生言事誤
許大臣也

十一月二十五日太子中允監察

御史裏行張商英降光祿寺丞監荆南府商稅務

生言
事失

賈

十二月二十六日權河東轉運使工部郎中充祕

閣校理孫坦降兵部員外郎屯田郎中通判河陽李師

錫降職方員外郎江南東路轉運副使屯田郎中韓鐸

降職方員外郎差遣並如故坐前任陝西轉運日慶州

兵叛不能招安也 七年五月一日右司郎中充天章

閣待制知瀛州李師中責和州團練副使淮南安置坐

應詔書事誕謾輒求大用故也 八月十七日三司使

翰林學士起居舍人知制誥曾布落職知饒州

生言財用數不

以賈故也

九月十九日權三司使翰林學士兼侍讀學士

元絳落侍讀學士罷監鐵副使戶部郎中張問降禮部

郎中知號州判官金部郎中李端卿降虞部郎中通判

淮陽軍太常博士集賢校理韓忠彥降秘書丞依舊職
通判永寧軍權度支副使太常少卿賈昌衡降兵部郎
中以制置永興秦鳳路交子公事宋迪來稟事三司人
從遣燼於鹽鐵之廢聽三司遂燔而莫能救故迪坐免
官而降等及責有職于三司者皆贖金 十月二十九
日樞密直學士兵部郎中權知開封府孫永落樞密直
學士罷權知開封府充龍圖閣直學士永被詔定免行
錢前後上儀異同上以永所守不一責之 十一月二
日竒嵐軍使左藏庫副使劉瑄降一官通判大理寺丞
蔣深之展二年磨勘坐州准朝旨根括曠土有民訟冒
佃事瑄等注滯及所考不實并不覺察孔目官受賕常

狀故也。六月，端明殿學士翰林侍讀學士龍圖閣學士吏部郎中知河陽府韓維落端明殿學士以嘗在京廉問輸克行錢不詳究利害也。八日，侍衛親軍馬軍副都指揮使昭信軍節度觀察留後賈逵降利州觀察使奉日左廂都指揮使大州團練使張忠降蓬州刺史以三司右廂都指揮使文州團練使孫吉降潮州刺史以三司儲不能敘止也。八年正月十三日，金部郎中集賢校理判檢院丁諷落職監無為軍酒大理寺丞集賢校理王安國放歸田里度支郎中王克臣追一任官河南軍巡判官鄭俠英州編管初俠進流民圖又擅發過馬奏事上憐之放罪會呂惠卿叅政俠復詆其姦惠卿怒請

誅俠諷安國連累故也 二月七日龍圖閣直學士給事中知永興軍吳中復降左諫議大夫職差遣如故中復以歲歉上聞所奏流亡多過事實至欲括責民糧強質畜產諷發義勇戍守縣城因下本路使者參驗報多非實以經大宥止降秩云 閏四月二十一日丁憂人前翰林侍讀學士禮部侍郎滕甫落職候服閏差知州祠部員外郎天章閣待制知瀛州劉瑾落職知明州坐與宗室世居饋問闕通而甫知青州李逢於所部姦發不以親引避故也 七月二日皇伯昭信軍節度使知太宗正事宗旦降彰化軍節度觀察留後忻州防禦使同知太宗正事宗惠降霸州團練使知太宗正事太常

少卿趙丙屯田員外郎張欽國子博士宋靖國諸王宮
記室叅軍屯田郎中王從各降一官皇伯連州防禦使
從貴降左武衛大將軍汝州防禦使皆坐不覈察世居
陰謀而從貴以世居之尊長也 六日同知諫院金部
員外直集賢院范百祿降一官落職監宿州酒稅坐劾
世居事議論不同故也 八月九日庫部郎中知丹州
宋昌言通判涇州左藏庫副使郭若虛降一官坐奉使
從人夫金酒器故也 九月八日前京東西路提舉倉
司大理寺丞吳璟特勒停每該敘理只與除散官坐不
還質庫戶典物本利并盜僉判廳官賞錢故也 九年
二月四日刑部郎天章閣待制沈起責鄆州團練副使

本州安置祠部郎中直史館劉彛責均州團練副使隨
州安置御史蔡承禧言起彛任桂林違詔生事臨撫無
謀至交賊背叛欽廉已破邕管既危數郡橫蒙屠害乞
特中國興以誠幸進之臣故有是命 三月二十七日均
州團練副使趙州安置劉彛追毀出身以來告敦送涪
州編管以權御史中丞鄧綰言昨以交賊作過沈起劉
彛並行降責外議以為施行有所未盡及沈起分析根
究到劉彛張皇之罪乞重行誅戮故也 四月七日刑
部員外郎向宗儒追一官免勒停罷中書檢正官權同
判將作監依舊修內諸司式坐私役將作監人吏管勾
錢物致吏人因而賒放減刻在監公人請受及人僕姦

私故也 五月十九日秘書監王端特免除名勒停降
太常少卿致仕坐知鄭州日盜倒死柳木入己年七十
歲故有是命 二十一日提點京西南路刑獄公事國
子博士張復禮降殿中丞前通判沂州司門員外郎周
禹錫特勒停沂州判官楊維推官王中正司理叅軍鄭
延各特追一官勒停坐前任不覺察李逢結連及勘劾
鹵莽故也 二十三日龍圖閣直學士前知成都府蔡
延慶降天章閣待制以西南夷寇茂州撫御不至乃有
是命 八月十一日職方員外郎權發遣秦鳳路轉運
副使張頴降湖南北小處知州事坐不依朝旨開淘運
河及不施行放陳公塘水入河回牒發運司并不計置

還益故也 九月七日殿中丞提舉河北東西路糴便
糧草王子淵降一官坐前任京東轉運判官日不覺察
李逢結連故也 十月五日翰林學士兵部郎中權御
史中丞鄧綰落職知虢州手詔中書門下以綰操心頗
僻賦性姦回論事薦人不循分守故也 九日橫海中
節度推官崇文院校書兼中書戶房習學公事練亨甫
降漳州軍事判官先是九月中宰臣王安石上言臣久
以疾病憂傷不接人事以故衆人所傳論議多所不知
昨日方聞御史中丞鄧綰嘗為臣子弟營官及薦臣子
婿可用又為臣求賜第宅綰為國司直職當糾察姦邪
使知分守不相干越乃與宰臣乞恩極為傷辱國體兼

綰近舉御史二人尋却乞不施行必須別有緣故臣但聞一人彭汝礪者嘗與練亨甫相失綰聽亨甫游說故乞別舉官亨甫身在中書學習公事熟臣屢嘗說與須避嫌疑勿與言事子弟交通今審如所聞即綰豈可令執法在論思之地亨甫亦不當留備宰屬乞以臣所奏付外處以典刑故綰先行貶責至是乃亨甫馬二十六日試秘書省校書郎馮正符追奪出身已來文字遞歸本貫先是御史中丞鄧閔甫言伏見陛下近日用大臣所言罷出御史中丞鄧綰既又斥逐中書習學公事練亨甫以身備宰屬而與綰交通然臣聞二人所以能闊通者有蜀人馮正符為之往來傳道語言綰信其說

而幸其利故正符以布衣直入臺謁綰之所以懷挾固
邪傷厲國體者正符者有力焉此姦人之尤不可不治
故有是命 十二月九日太子中允集賢校理許安世
僉書濠州判官廳公事先是李逢等獄事連安世曾有
鉞龍刀遺術士李士寧而士寧轉以遺世居法當追兩
官勒停會赦案奏安世方居喪今服闋有是責 二十
二日翰林學士兵部員外郎兼侍讀陳繹落翰林學士
兼侍讀充集賢院學士知滁州太子中允直集賢院兼
直舍人院張諤落直集賢院罷直舍人院勒停先是繹
知開封府諤判司農寺有寺吏劉道盜用官錢事發府
司勘劾諤以簡抵繹催促繹呼勘司人吏喻意仍遣見

諤具道獄事不候會問便行區斷出却逐人重罪提舉
司推考獄具諤復避罪翻異乃詔先罷所領差遣命三
司度支副使王克臣再劾獄成繹落翰林學士以知制
誥知滁州而知制誥熊本上言繹典治都府不務共靖
雖奪一官未離侍從故再有是命 十年五月十五日

翰林學士禮部郎中知制誥楊繪責荆南節度副使不
僉書本府公事刑部員外郎充天章閣待制竇卞落職
提舉舒州靈仙觀

出與上永年交
通受器道故也

七月九日翰林學

士起居舍人權三司使沈括落翰林學士充集賢院學
士知宣州坐上言財用數不同也 八月一日宣徽南
院使雄武軍節度觀察留後郭逵責左衛將軍西京安

置吏部員外郎天章閣待制知桂州趙高降右正言直
龍圖閣依舊知桂州司封郎中李平一降屯田郎中監
廬州鹽榷務丁憂人太常丞直集賢院蔡燁落職降太
子中允依舊持服太子中允周沃降光祿寺丞坐安南
出師逗遛反饋運不集也 九月二十五日祠部員外
郎胡援降太常博士太常丞王子韶降太子中允坐定
鄭使罪不當也 十月五日觀文殿學士戶部侍郎知
洪州王韶落觀文殿學士知鄂州坐洪州謝上表語不
當也

全唐文

宋會要

黜降表三

神宗元豐元年正月九日知虢州鄧綰罷龍圖閣待制
為集賢學士知河陽時權御史中丞鄧潤甫言綰在言
路肆為邪慝陰連公府椽屬數為大臣祈恩傳笑四方
傷辱國體故斥逐之今綰去位未幾亟復待制莫知所
謂乞追寢成命十七日前知真定府龍圖閣直學士
吏部侍郎致仕韓贄降一官追其孫思純將作監主簿
造通判鄭淵僉判王欽若各降一官判官許章推官劉
處厚衡替司錄參軍劉舜理以下三人勒停北寨主楊
允衡以下三人除名編管並不用赦降去官坐易州捕

盜誤以解子平為壯界地啟虜人爭疆之隙也 二十
二日秘書省著作佐郎張琬衝替坐越職言知荆南張
頡不當也 二十三日尚書刑部員外郎知制誥熊本
落知制誥為屯田員外郎分司西京饒州居住大理寺
丞權知都水監丞陳祐甫為潁州團練推官權知都水
監主簿司農寺主簿史邈追兩官與遠小處合入差遣
權知都水監丞范子淵追一官差遣依舊並免勒停權
河北東路轉運副使陳知儉追一官衝替文彥博特放
罪大名府冠氏臨清清平縣干繫官吏并東流南岸都
大司並令提點刑獄司劾之初都水監程昉請開運河
范子淵言遣官併用濟川把䟽濬奪水勢悉歸二股故

道退出民田數萬頃詔大名府保明既而文彥博奏止
因霜降水落今年未嘗用把而退地更多上命熊本按
視以彥博所陳有害無利為是乞廢濬河司於是子淵
言本等所陳事理未盡至公乃詔置獄至是獄具濬川
把僅同兒戲子淵所陳固多妄然史邈初勸本光河行
決利害乃見彥博而未修私禮於彥博非公事赴彥博
飲故上不直本也 閏正月八日陳繹落知制詔為祕
書少監集賢院學士知諫院蔡確言繹陰與中書屬官
張諤總亨甫等交相朋附因公事受張諤私簡蹤跡已
露不可更污侍從故有是命 十八日詔大理寺王欽
臣降一官指揮更不施行其轉太常丞及降授太子中

允敕並追毀坐定奪解子平地界不實案未上年例當
還已改太常丞及案奏奪一官法當自未遷官責降故
也 二月二十四日知廣州供備庫副使李時亮降一
官監押右侍禁衛立之降兩官司戶參軍孔元孫銜替
坐不救火焚器甲二十四萬會赦特責也 四月十二
日右諫議大夫兼侍讀權御史中丞鄧潤甫落職知撫
州太子中允權監察御史裏行上官均責受光祿寺丞
知邵武軍光澤縣以右正言知諫院蔡確言被命同鞠
相州獄潤甫與均密自奏事不令臣僉書必以臣見其
朋姦之迹臣論列故造非語中傷及欲動搖獄情陰結
執政乞早賜罷斥上初以潤甫均言故疑獄詞非實及

遣使審詳罪人卒無異辭上以潤甫均誕妄故敗之

五月二十五日知慶州直龍圖閣范純仁奪職知信陽軍永興軍路鈐轄种古追一官知寧州史籍追兩官並勒停知環州种諲免追官勒停罰銅二十斤環州僉判党師經以下三人衝替純仁坐不追捕作過熟戶蕃部古虛訟純仁不公謬為其兄發奏狀入馬遞籍申制院不實師經等推勘僉書劫盜公事失入故也 六月十九日殿中丞陳安民追一官勒停展三朞叙太常博士吳安特追一官免勒停衝替前檢正中書刑房公事劉奉世落直史館免勒停監陳州糧料院詳斷官竇辛追一官勒停詳議官周孝恭大理評事文及甫並衝替安

民嘗官相州坐與失入馮言死罪屬及甫言於宰相吳元安特坐受及甫屬諭奉世坐論法官指定不作失入罪孝恭坐定為非失入其牽連得罪者又數十人充釋罪初制勘相州獄蔡確鍛鍊欲以傾充至是獄成人以為寬 二十七日尚書主客郎中張充宗供備庫副使高遵制並追一官勒停先是充宗遵制接伴遼使以違禁物償所亡器皿於驛舍姦雜戶詔開封府劾充衡替聽追攝至是得實故坐責也 七月二十五日京西將官李延邁衡替上批延邁捕盜募兵自隨初無明條乃是憚賊怯懦滋大事勢不惟不足彈治士卒傳聞四方亦足啟侮宜衡替 八月六日澶州巡河樂文德淮南

編管都大提舉苗師中衝替免勒停並追兩官都水監丞王慎微衝替權外監丞陳佑甫降一官知澶州韓壽以應副修閉決口聽以功贖過坐澶州河水抹岸不預請修貼隄岸各該赦恩故特責之 十月十四日散員

都虞候萬州刺史全信追刺史罰銅六十斤降充湖南本城都頭先是上批全信乞取本班長行錢物已奏案可速進呈裁斷庶軍中有以警勸至是樞密院奏斷也 二十八日開封府判官徐大方推官許彥先衝替坐以同文館制獄連涉也 十一月十七日詔汲逢先勒停送秦州制院委李孝博選差獄官與莊黃裳同鞫時孝博新權發遣永興軍等路常平等事言秦熙州自置

市易乃提舉官汲逢專領今本務欠錢十二餘萬緡聞
逢母族亦嘗貸借兼驅磨官稱逢有虛增錢數七萬餘
緡故有是命 十二月一日詔京東西路第七副將供
備庫副使張永昌降一官與淮南遠處當差遣以本路
提點刑獄司言與將官楊桂不務協和常凌忽之故有
是命 二日右諫議大夫呂公孺罰銅十斤坐御史何
正臣言檢正中書刑房文字杜紘見公孺理雪失入死
罪事而陰與苞苴往來究實故也 二十四日詔京東
第八將張建中先衝替令轉運司體量罪狀以聞坐所
教兵衆應格人數全少故也 二年二月七日河東火
山軍巡檢韓渭衝替詔轉運司劾罪坐經略司言謂擅

兵士入北界與虜人相射及誘致蕃部待以客禮故也

八日知劍州萬公儀追一官免勒停通判黃子春知

邵武軍周約簽判李上僉各罰銅二十斤差管糧發遣

江南西路提點刑獄尚書都官員外郎李革衡管展磨

勘二年知建昌軍蔡若水等罰銅差替有差坐不覺察

廖恩為盜及討捕無功雖會赦去官特責也恩所經地

巡檢巡茶縣令尉追官勒停罰銅銜替凡二十九人

十二日知越州給事中集賢殿修撰程師孟降右諫議

大夫坐前知廣州失入市易牙人尚杖罪及斷割牙錢

不當 十七日降右諫議大夫蘇頌為秘書監集賢院

學士知濠州尚書司門員外郎徐大方奪兩官虞部員

外郎孫純奪一官國子博士許彥先監吉州酒稅大理少卿韓晉卿呂孝廉各罰銅二十斤初頌知開封府大方為判官彥先為推官純知祥符縣相國寺僧舊為純主治田產而自貸常住錢給純事覺頌及大方彥先密諭純償之不正其罪為人所告下有司劾治理斷不當故有是命 三月八日河北東路轉運副使陳知儉判官汪輔之谷特罰銅二十斤坐三司言會計河北東路熙寧十年收支實闕錢帛等比知儉輔之元奏之數少七十三萬餘緡乞降黜以誠諸路故也 二十八日降東上閤門使果州刺史秦鳳路副總管夏元幾為鈐轄坐前知鎮戎軍失入死罪也 五月二日前權發遣環

慶路經略使高遵裕追兩官知淮陽軍慶州通判吳仲
舉銜皆柔遠寨主孫貴兵馬監押王顥並追一官免勒
停都巡檢輔佐罰銅二十斤差替柔遠寨巡檢胡永德
追兩官免勒停環慶路走馬承受入內東頭供奉官王
懷正罰銅七斤降京西監當前知大順城康大同等四
人差替蕃官軍使羅遇杖脊刺配廣南東路牢城先是
遵裕數使蕃部乙訛及顧入西界見蕃族梁訛移探事
且誘訛夥來降後乙訛為西人所執永德等擅發兵出
塞追取遇縱火焚新和市遵裕隱庇不治西人以為言
詔選官根治為首者痛繩以法遵裕亦不奉行上遣樞
密院檢詳官范育就按還具奏其狀因命育推鞠獄成

永德遇抵罪遵裕坐不奉詔及所奏漏略懷正亦以體
量不實餘皆從坐也 同日秦鳳路副總管夏元幾罷
任坐前知鎮戎軍買水銀令指使販易及毀公使文記
也 六日知潤州呂嘉問落直昭文館衝替免勒停監
市易務門河南府左軍巡判官華中甫降名兩浙路提
點刑獄王陟臣落集賢校理衝替供備庫副使張濟追
一官遠小處監當知慶州俞充罰銅三十斤檢正中書
孔目房曾伉二十斤三司度支副使張瑛十斤初江東
轉運判官何琬劾奏嘉問不法詔御史臺推治申甫得
之於濟及陟臣充自京師以私書報之陟臣檢正中書
吏房充都提舉市易司濟故三司吏伉嘗為瑛道嘉問

事而瑛漏其語於所親上命取進奏院發書慰得嘗與
嘉問通書主名乃下開封府令人自陳不盡當除名而
申甫不以實聞故降名嘉問坐報上尚不以實雖會恩
不貸也 十七日國子監直講河南府密縣令孫諤集
慶軍節度判官葉唐懿各追兩官免勒停特衝替參知
政事元絳知亳州子耆寧罰銅十斤先是太學生虞蕃
訟絳使者寧私禱族孫伯虎於諤唐懿升補太學內舍
生及屬諤於判國子監官處永為小學教諭下御史臺
推治絳復坐辯訴不實諤唐懿坐聽請絳子耆寧亦坐
傳道絳語於諤等御史推問不以實對故有是命 十
八日京西第五將陳宗等並勒停坐按試馬弓箭手馬

步射不應格故也

二十八日永興軍等路提點刑獄

王孝先熙河路副都總管王君萬並降一官君萬改鳳翔府鈐轄西上閤門使榮州刺史知淮陽軍高遵裕展三替叙遵裕先知熙州與君萬嘗偕請結維邊儲錢違法回易轉運判官孫迴按治之君萬乃教蕃官本冊訟迴嘗加箠掠遵裕以聞欲以中迴命孝先推劾而孝先觀望不盡力再遣提舉茶場李稷鞫得實故皆抵罪六月二十八日大理評事元大成追兩官除名荆湖北路提點刑獄蘇洵轉運判官馬城各奪一官大成坐前知江陵府長林縣受賕涓城嘗薦大成故及七月十三日前知青州陳薦滕甫李肅之權知青州王居卿通

判張永等十一人各罰銅三十斤恩州青陽縣尉成衆
罰銅二十斤坐失覺察青州民楊和真自熙寧六年傳
習妖教薦等迭為州守若通判都監 二十六日詔殿
中丞國子監直講龔原迨一官勒停展三替叙前國子
監直講和州防禦推官沈銖國子監直講潤州金壇縣
令葉洵各罰銅十斤銖勒停洵衝替原坐受生員張育
銀綾及直講王沈之請求升不合格卷子為上舍銖坐
受育甕器竹筆濤坐受育茶紙并非假日受生員謁
八月六日西京左藏庫副使楊進等二十三人各展磨
勘二年坐試諸軍武藝誤給銀萬兩為殿前司劾奏詔
免備償簿懲之 七日詔知開封府蔡延慶落翰林學

士知滁州先是李憲妻王氏之母詣府訟憲婢謀害王氏延慶初欲避免僉書又謂王氏款辭有狀外事不當治推官蔡承禧爭之與延慶更論奏乃下審刑院刑部定以應為受理於是御史舒亶言乞重絀責故有是命

十三日右諫議大夫直學士院安燾入內都知張茂則各罰銅二十斤以御史何正臣彈奏燾茂則驗覆導洛通汴利害不當故也十五日知虔州劉瑾落史館修撰三班奉職楊懋贖金免勒停初懋因募兵至虔矯稱聖旨為瑾所奏懋因奏瑾嘗對懋言往時有聖旨瑾尚不應副下江東鞠治皆引伏大理當瑾杖一百懋坐徒一年當追一官詔贖金免勒停十八日知乾州龍

圖閣直學士劉屏罰銅二十斤西上閣門使狄詠十斤
坐前為成都府利州路鈐轄越職受訴故也 二十一
日權知開封府許將落翰林學士知蘄州前司戶參軍
李君卿降一官前士曹參軍蔡洵並衝替國子監丞王
念追一官勒停直講周常差替開封府判官許懋李寧
熊臯罰銅有差初進士虞蕃訟太學不公事計府推治
解連上舍生將奏以為無罪出之君卿洵懋寧皆坐阿
隨將愈坐為進士陳雄請屬陞上舍臯常皆轉相牽連
特有是責 二十二日權發遣京西南路提舉常平等
事張商英罰銅十斤免衝替坐越職治提點刑獄司事
九月十二日詔大理寺卿少各罰銅十斤丞二十斤

以勅前國子博士陳世孺并妻李等獄不當故也 十

月七日權荊湖北路轉運判官降~~改~~太常寺丞奉禮郎

馬瑛勒停江陵府通判王任周之純各追一官勒停僉

書判官周常衝替先是有詔瑛違法擅貸預借江陵府

公使錢先衝令京西轉運判官胡宗回劾治至是按責

抵罪任之純亦坐公使庫違法也 十三日太常丞集

賢校理魚天章閣侍講同修起居注直舍人院主管國

子監沈季長落職勒停右正言知制誥兼侍講知諫院

同修國史詳定郊廟奉祀禮文宗正等玉牒官提舉官

告院判國子監黃履免追官勒停聽贖銅除侍講外差

遣並罷樞密院直學士陳襄罰銅十斤國子監直講顯

明國錄推官王沆之除名永不收叙太常丞余中追一
官勒停監東作坊門河南府右軍巡判官王沆之祕書
丞范峒衝替李長沆之坐受太學生賂升補不公履坐
不察屬官取不合格卷子襄坐請求中坐受太學生陳
度賂峒坐為封彌官漏字號污之坐納賂屬請皆因虞
蕃上書御史臺鞠以為罪沆之中峒污之雖會赦降猶
特責焉 十一月二十七日明州象山縣尉張中衝替
坐嘗以詩遺高麗貢使故也 十二月二十六日尚書
祠部員外郎直史館蘇軾責受檢校水部員外郎黃州
團練副使本州安置不得簽書公事令御史臺差人轉
押前去尉馬都尉王詵追兩官勒停祕書省著作佐郎

簽書應天府判官蘇轍監筠州鹽酒稅務祕書省正字
王鞏監賓州鹽酒務令開封府差人押門趣赴今任太
子少保致仕張方平知制誥李清臣罰銅三十斤端明
殿學士司馬光等二十人各罰銅二十斤初御史臺既
以軾具獄上法寺當徒二年會赦當原於是中丞李定
言軾譏諷時政訕上惑衆今已具服特行廢絕御史舒
亶文言駙馬都尉王詵收受軾譏朝廷文字與王鞏往
還漏泄禁中語陰通貨賂密與宴游按詵列在近戚而
朋比匪人原情議罪不以赦論疏奏軾等皆特責焉
三年正月十七日前虔州瑞金縣尉張格放歸田里令
開封府押歸本貫坐妄訟三司吏部及遮執改馬喧嘩

也 十八日太常博士范峒太常丞彭汝礪各奪一官
坐鞠前知江寧府呂嘉問獄不盡雖會恩特奪之 十
九日大理寺丞王觀除名永州編管提點淮南東路刑
獄范百祿罰銅二十斤觀坐知揚州江都縣枉法受財
百祿坐轉運司遣官鞠觀而擅止之 二十六日都官
員外郎大理寺丞葉武送審官東院以御史中丞李定
劾奏武同賈種民劾蘇頌種民增移事節而武不能察
故罷之 二月二十五日大理寺丞賈種民衝替大理
卿崔台符少卿楊汲權監察御史裏行何正臣各罰銅
十斤大理初鞠陳世儒獄并治世儒妻李氏母呂氏嘗
干其叔父公著請求於知開封府蘇頌公著未嘗以語

頌而種民挾情傳致其罪公著自辨秋御史臺推治得實種民坐罪而正臣坐嘗監勘與台符汲各不舉察故也 二十八日知濠州秘書監集賢院學士蘇頌歸班群牧判官尚書都官郎中龐元英送審官東院大理評事呂希亞贊善大夫晏靖並銜皆頌坐前知開封府鞠陳世儒事而元英詣頌探問頌嘗酬對但言情狀極醜惡刑名未可知法寺當元英以不應為從事希亞靖亦嘗探問後坐報上不實也 三月二十五日西上閤門使狄詠展磨勘一年詠知廣信軍契丹嘗入新河鋪縱火坐斥堠不嚴贖金至是當改官故也 二十七日判太常寺李靖臣陳薦知禮院葉均崔公度曾肇王子韶

各贖銅有差以御史何正臣言近被差監太廟祠饗祭而神主幄殿無侍衛之儀乞治其主者以懲不恪詔御史臺取勘以聞故有是命 同日環慶路走馬承受胡育副總管兼第一將林廣並罰銅十斤育移別路育坐例外取索廣坐引莊賈故事非是故也 四月十二日詔虞部員外郎陳升放歸田里永不收叙升陳世儒之從兄世儒之從兄世儒殺母事覺升論諭世儒自盡而心利其財故也 十三日詔監文思院王史許選並衝替坐造山陵皇堂鐵葉不中度也 五月十三日詔前衢州魯有開罰銅二十斤通幕職官汲縣主簿尉並衝替巡河部役官追官勒停差替並坐河溢失救護也

二十七日前冀州司理參軍孔端彥編管棗州端彥先

坐歐婢死是勒停替至是又坐歐婢死及誣告妻與奴

姦也六月九月權提點河北東路刑獄汪輔之陳知

餘各罰銅二十斤並坐前在河北轉運司受錢帛數不

實也八月二十五日光祿寺丞周天遑_二官勒停初

次言帥臣以宰相書意彈壓衆人使不敢_二議還事御

史臺彈治汰坐所言不實獲罪九月七日江東路韓

運使孫珪提刑王安上各追兩官勒停安上建交訟不

實故也八日權三司使李承之前副使韓忠彥到官

黃好謙冬展磨勘二年先是百姓闕慶詐為中使程昭

吉狀稱內中降錢買三司銅鑄鐘三司不詳真偽聽買

及覆奏慶既決配廣南故承之等有是責 十一日中
書檢正官張商英落館閣校勘監江陵府江陵酒稅坐
知諫院舒亶言商英與臣手簡并以其婿王鴻之所業
示臣事涉干請故也 閏九月二十七日詔翰林學士
權御史中丞李定落翰林學士以知制誥知河陽上以
定言開封府界養馬事失實故也 十一月六日知隴
州左藏庫使薛綈衛皆坐陝西轉運司言繼聞繆不覺
察吏受職乞放罷上批綈嘗以賣酒過度得罪今又不
能率履勵行整飭職事乃因循縱弛有甚前日不可不
痛懲治其隴州干繫官令轉運司劾之綈元衛皆今任
內舉綈官亦案後收坐 八日前權知熙州趙濟落直

龍圖閣追三官勒停前主管機宜文字許醇經制熙河
路邊防財用司幹辦公事趙輝各追一官並勒停湟原
都監第六將張恩熙河都監第二將許見見各追一官
指使張祚呂忱各贖銅十斤並衝替濟坐遣祚忱以禁
軍至京買婢醇輝各以般家人假濟踰數並特責之而
濟又坐奏熙河錢數馬料不實復詔侯合叙官更辰兩
暮十三日主管國子監舒亶罰銅十斤亶言太學官
不詳考校巡鋪官不指約補試生員臣以督官屬為職
實無幸免初詔中書上簿亶以責輕為請故罰之十
二月八日前權發遣瀘州喬叙前梓州路轉運使高秉
並除名前梓州路轉運判官許安世降一官與本等小

處差遣知遂州尚書比部員外郎范純禮前清井監判官王參各銜替瀘州指使楊可久勒停叙等坐奏蠻乞弟打誓不實致乞弟殺都監王宣等七百餘人又虛奏閩處非省地也 十三日河北第十二將段懷德副將王用各特追兩官勒停押隊供奉官苗遇楊立殿直石舜封特勒停坐不曉軍中教閱軍馬多不應格故也

二十二日驅磨市易錢物范百嘉追一官勒停權發遣三司戶部副使提舉市易司王居卿免追官勒停聽以贖論百嘉坐前任監盜違法冒賞而居卿失保明被劾也 四年正月二十六日許將追龍圖閣待制知秦州敕告依舊蘄州時知諫院舒亶言將職在論思而潜行

請寄為亂法首聖恩寬大止從薄責未幾有此除授伏
望追寢故有是命 五月八日淮東團結練官丁誨淮
西趙永寧衛督餘押隊使臣侯殿最畢取旨坐不依元
法結隊武藝生疎故也 十七日判軍器監龍圖閣直
學士太中大夫安燾降授中大夫坐與曾孝廉議事不
協互論奏大理推治燾所奏不實也 六月一日梓夔
路轉運司劾知遂州李曼仍發遣出川界永不得與川
峽差遣坐決配犯階級卒郭立不當及昨知瀘州引惹
邊事故有是命 九日朝散大夫判登聞鼓院王琬衝
替以御史朱服言琬父子惡行如禽獸雖會赦降而朝
廷原情揆法固將投棄荒裔終身不齒今有司雖令瑩

務而琬畧無愧耻遽請朝見故也 十八日淮南轉運

副使薛正彥知蔡州提點開封府界諸縣鎮公事葉溫
叟及祥符長垣韋城知縣丞主簿尉監驛使臣十四人
罰銅有差入內殿頭吳從禮張積史華各展磨勘三年
祥符縣主簿王容韋城縣主簿姜子年各差替並坐失
計置遼使路驛亭也 八月十七日樞密直學士朝奉
郎權三司使李承之落樞密直學士為賓文閣待制知
汝州承之先奏請濮州遺直院墳寺與陳留縣開福寺
對易既得旨其姪孝伯詐增制書立榜欲取開福常住
入墳寺為僧所訟送御史臺根治坐報上不實故有是
命 九月十七日朝奉大夫賓文閣待制知成德軍章

衡落職守本官提舉杭州洞霄宮坐縱指使回易公使
下本路體量得實也 十九日奉議郎充館閣校勘同
知太常禮院王仲修罰銅十斤衡替仲修宰相珪之子
先謁告往淮南諫官蔡卞言其在揚州燕飲所為不檢
體量得實故也 二十一日前江淮等路發運使朝散
大夫沈希賢追三官勒停坐被詔不即赴闕先以衡替
下御史臺鞠之又供報不實也 二十六日都大提舉
修護澶濮州隄岸東頭供奉官張從惠追毀出身以來
文字除名勒停編管黃州前知南外都水丞蘇液前權
發遣北外都水丞陳祐甫皆追兩官前通判澶州戚守
道追一官河北路轉運判官呂大中罰銅三十斤坐小

吳

吳埽河決也

十月五日知越州剡縣蘇軾衙替同修

國史兼起居注陸佃罰銅八斤佃嘗與嗣書託庇鄉親黃庸與人訟田駒奄坐至追捕及奏佃書故罰反之

七日承事郎大理寺丞王援朝奉郎集賢校理大理少卿朱明之承務郎王昉各追一官勒停明之落職前權漳州軍事判官練亨甫除名勒停編管均州知諫院舒亶大理卿崔台符少卿楊汲各罰銅二十斤通直郎集賢校理蔡京落職先是大理寺鞠王琬與石士端妻王氏姦罪稱及王珪之子仲端亶上言琬父子事連仲端甚明有司以珪故觀望不敢盡理根治仲端亦自訴上命內侍監勘而仲端事果不實明之乃王安禮之姪婿

知安禮等與珪有隙諭旨於援令劾仲端及以兩詞聞上退又偽為上語以語其妻於是安禮子防以語亨甫亨甫以語曹亶信之以聞京嘗在朝堂與明之語仲端事台符汲坐知援事為姦俱不按發故也 十一月二十五日鄜延路轉運使李稷降兩官為判轉運判官坐應副軍糧闕乏乖方及累奏誕妄致令行營士卒乏食逃潰故有是命 十二月十五日岷州團練使高遵裕降為西上閣門使就差知防州西上閣門使果州團練使劉昌祚東上閣門使英州刺史姚麟各降三官並就差為永興軍路鈐轄內藏庫使忠州刺史彭孫賔死為東頭供奉官添差金州監當令涇原路差人監伴前去

遵裕坐帥涇原環慶攻取靈州無功昌祚麟坐戰兵逃
潰數多孫坐糧草為賊抄劫不能禦敵故也 五年正
月十七日降授西上閤門使知坊州高遵裕責授郢州
團練副使員外郎本州安置坐用軍失律多戰無事故
也 二月二日知潤州鞠真卿銜替以兩浙轉運司言
真卿侮法專威職污不法故也 七日承議郎天章閣
待制河東都轉運使趙鼎落天章閣待制追兩官免勒
俸知淮陽軍坐應副餽輓不如法稽違朝旨也 二十
七日河東路提點刑獄承議郎集賢校理黃康降一官
坐不案省本路諸司及數言坐界所亡財用軍器兵夫
奏乞降進納宣敕及令民納粟釋罪也 三月一日提

點江南西路常平等事劉誼特勒停坐論新法不使
十八日涇原路諸將趙定等八人各追一官徐鎮等四
人各追兩官俱干劉珣各追四官張逸成恭各追五官
以涇原路經略都總管司上將將出界所部正兵漢蕃
弓箭手亡失分數除劉祚姚麟已降官外餘官有是責
四月六日侍御史知雜事滿中行罷臺職為直集賢
院知無為軍坐因取開封簿書奏王安禮不當故黜之
十二日權主管涇原路轉運判官兼同主管經制熙
河路邊防財用承議郎胡宗哲降授承事郎權發遣同
經制熙河路邊防財用通直郎馬中降授承務郎展磨
勘八年坐闕軍前糧餉也 二十二日河東提點刑獄

黃廉知汾州周覺晉州王說平定軍康曷各展磨勘三年先是追官勒停人余行之以謀逆伏誅廉等嘗遺酒及差人護送原赦特責也二十三日降天章閣待制王克臣知軍州克臣前知大原措置乖方奏方誕妄體量得實雖會赦免効特責之二十六日新知徐州趙高依舊知淮陽軍以改差徐州偃蹇不赴故也六月四日主管麟府路軍馬張世矩降一官移熙河路將以河東不能出力展拓境土主帥將佐惟欲廣占兵馬不卹耗蠹國財便以自營不可倚伏故有是命既而又坐應接麟延奉請遲慢差充涇原路都監二十七日通直郎監察御史豐稷為秘書省著作佐郎先是稷言

吳安特以宰相子請屬公事坐追宮今祥禪未除即除
太府少卿恐執政家勒停衝替子弟用爲例又言方官
制施行章傳以罔上爲門下侍郎王安禮以穢德守尚
書右丞以至尚書侍郎至時監丞簿不應輕法守畧消
議致謫籍之徒首與東選欲望令中書省條具職事官
所犯罪事理稍重者先放罷稷坐此故左遷 八月二
日判司農寺曾孝寬贖銅八斤丞王端臣主簿莫士先
各十斤以申明條制不當故也 八日中書舍人曾鞏
罰銅十斤坐草知隸昌韓維再任制辭不當故也 二
十二日龍神衛四廂都指揮使鳳州團練使仲諤降授
文州刺史金州觀察使提舉西太一宮王中正降授嘉

州圍練使並不用叙復法以上批昨大兵出界誘迂路
捨取直之利中正不審議道路迂直利害及不討蕩左
廂地分賊黨故也 九月二十三日河東路提舉常平
等事趙咸權轉運判官莊公岳各降一官坐大軍出塞
糧饋不繼人夫士者過半而報上不實故也 十月七
日龍圖閣直學士朝散郎知延州沈括責授均州團練
副使員外郎置隨州安置坐始議城永樂既又措置應
敵乖方故也 同日龍神衛四廂都指揮使懷州防禦
使麟延路副都總管曲珍降授皇城使鄜延路鈐轄兼
第一將坐永樂城陷不審量事勢以致敗事故也 二
十一日三川寨都監如京使張進等各降一官以輕敵

出戰士多失故也 二十六日新知太原府資政殿大學士通議大夫呂惠卿落職守本官知單州初惠卿除母喪入見上將改授以鄜延且諭令四路守備惠卿手疏言陝西之師不可攻守上謂輔臣曰如惠卿之言陝西一路無可守之理豈宜委以邊事王安禮奏曰宜落大學士與一閑郡如單州之類告命中明言惠卿之罪上曰甚善故有是命 同日環慶路副總管狄詠鈐轄梁從古張守約各奪一官以出塞亡失三分三釐也十一月二日梓州路轉運判官承議郎程之才知徐州朝散大夫趙鼎並衝替之才坐與前知蘆州任汲交訟報上不實鼎坐乘官舟附私物也 三日夔路鈐轄

供備庫使高遵治戎瀘等州都巡檢西京左藏庫副使
張壽各降一官坐瀘州蠻已降惟未肯解弓刀而輒殺
之自上獲偷水夷人冒賞雖會恩特責之 四日皇城
使張免等三人各追五官文思使高致等二人各追四
官供備庫副使潘定劉青各追三官皇城使宋湜等三
人各追兩官皇城使沂州團練使李祥等四人各追一
官東上閤門使狄詠等三人各降一官並坐出界將領
計亡失所部兵用十分法追奪也 十六日汪輔之罷
知虔州依舊例分司以監察御史王栢言輔之謝表詞
意狂詩故也 二十八日提點開封府界諸縣鎮丞議
郎楊景畧降一官幹當官歐陽榮任元渥各罰銅二十

斤坐並遷本司解舍違滯及景畧不親督趣捕蝗雖會
恩令特責也 十二月十一日知延州种諤罰銅三十
斤以諤預議進城山畧失守時領一路經畧安
撫副使朝廷寬恩方責後劾乃敢妄為子弟乞恩故有
是命 十七日陝西轉運司幹當官呂宗岳衝替以陝
西轉運判官范純粹言宗岳管認計備延州懷寧浮圖
寨守禦已被受託故不肯就事也 二十四日判刑部
大理卿以下二十人御史中丞以下十人罰金展磨勘
年有差以成州奏造妖人趙福繫八十餘人案上歲餘
累經巡白並不與奪故也 六年正月一日太僕寺丞
安宗夔王得君各罰銅三十斤衝替入內西頭供奉官

王遠殿頭李永言各追一官罰銅三十斤勒停高品陳
惟和追兩官勒停先是朝會儀物陳列於殿既而儀鸞
司徹覆輅幕屋壞毀輅詔大理寺問罪并案太僕寺殿
宿官以聞故有是命 十四日廊廷路經畧副使种諤
罰銅四十斤主管機宜文字汲洸罰銅三十斤仍衝替
蕃官劉永隆降一官朱昇等以赦原初諤及經畧使沈
括輕信汲光奏發將官劉紹能遇敵不力戰與西人交
通皆不實汲妄信蕃官屈埋教令蕃部誣紹能事以狀
告經畧司御史宇文昌齡言案發紹能自汲光始故採
不根之言而為實潤色張皇沈括輕聽易搖遂以其狀
剡奏去是存非蓋欲置之無疑以邀朝廷必信朱昇偷

安曲從乞先重行譴黜以坐別罪安置遂責諤光罰
銅也 十八日朝奉大夫直龍圖閣前知桂州張頤落
職知均州坐不能察蠻夷為寇會赦也 二十三日隆
德寨主賈宗諤衡替巡檢張志等勒符餘監押以次各
贖銅降官有差先是詔經畧司追西賊入隆德寨老幼
牛羊橫見剽畧乃是寨官不稟戒敕預為清野之計故
有是命 二十五日權京西路轉運使向宗旦權判官
唐義問各特銜替上以吳居厚使京東財利豐羨宗旦
義問不能經營每有費用悉干朝廷故有是責 二月
四日尚書吏部員外郎劉奉世文及甫各罰銅八斤左
司郎中吳雍六斤御史臺失察官吏上簿坐住滯差周

宥等幹當軍頭司大字會降特責之 十日熙河蘭會
路經畧安撫制置使景福殿使武信軍節度觀察留後
入內副都知李憲降受宣慶使經畧安撫都總管殿前
都虞候沂州防禦使苗授罰銅三十斤經畧安撫副使
知蘭州引進使隴州團練使李浩降授四方館使階州
刺史坐西賊犯蘭州幾奪西城門乃覺賊乘虛破西關
也 十三日吏部員外郎唐淑問可差監撫州益蓉酒
稅務淑問以疾屢請補外上以為不肯仕職故也 十
四日詔瀘州大恩副使泰世章追一官勒停辰一恭叙
押出川界內殿承制焦勝侍禁孟文宥各追一官免勒
停以大理寺言世章勝文宥各坐買乞弟首級與子冒

賞檢會別案奏世章為乞弟打誓事也 十五日崔台

符罰銅十斤韓晉卿莫君陳各八斤以御史楊畏言大

理寺近斷邵武軍婦人阿陳等案上刑部郎中杜紘獨

議議而侍郎崔台符等無所可否循默苟簡無任責之

心故有是命 二十八日詔蘭州主管官李浩劉振孫

王安民留不堪披帶病卒於極邊難得糧草處李浩坐

斥堠不明已降監當可從一重振孫安民各罰銅三十

斤 同日宜州溪洞都巡檢薛應之除名勒停坐與蕃

賊鬪敗走藏也 四月二十三日熙河蘭會路制置司

言准詔劾李浩罷蘭州猶帶本路鈐轄擅奏赴闕罪狀

浩自言雖嘗奏赴闕未離任詔浩於法當以浙路監司

禮去官守論
以未離本路
及近出塞有
功罰銅二十斤
五月六日前兩
補入當以下

蘇澥胡宗師未明之各罰銅二十斤坐不舉發知秀州
吳世安職罪也 十九日大理正杜純特追一官勒所
將來叙復永不令典刑獄先是商稅院送客人尹奇於
隰州轉碌礬引外有剩數杜純乞以所剩礬六斤沒官
而釋尹奇詔大理寺勘結施行大理寺上純妄議客礬
案當公罪筭該疎決故特有是責 二十日涇原路京
東第八將梁用副將趙潛各罰銅二十斤坐步卒常贊
指斥乘輿語切害不可錄奏經畧司以聞 六月一日
萊州通判郭弁權濠州團練判官王舜臣鎮戎軍判官
趙至並降一官坐戶部言元豐三年諸路鹽法管官無
優等止有劣等三人故有是命 三日絳縣尉王君陳

等八人各罰銅三十斤殿直張整等十人各二十斤供
奉官焦清等十三人各十斤借職胡奐八斤坐部夫逃
死三分五分以上合該德音原免故特與責之 四日

戶部尚書安燾罰銅十斤侍郎陳安石八斤郎官金部
晁端彥倉部韓正彥度支陳向各六斤坐妄作見闕差
本部主事又以來該出職人欲授以班行皆為失當故
也 五日通直郎試御史中丞權直學士院舒亶免除
名追兩官勒停坐直學士院勘請公使受供給妄言尚
書省不置錄目詐以他 書為臺中錄目亶身為中丞
而詐妄不可恕 九日王栢論舒亶事不當罷右正言
送尚書吏部既黜亶栢待罪故有是命 十三日知渭

州瀘秉落寶文閣待制直龍圖閣差遣依舊坐稽違詔
旨不能保護邊防自言父老免從吏議重行黜責故有
是命 二十八日詔尚書刑部郎中杜純罰銅八斤展
磨勘二年以議獄不當故也詳見議讞門 閏六月五
日入內省東頭供奉官甘師顏徐名坐私使鉤容直兵
皇城司親事卒也 十二日知宜州錢孟追一官通判
曹覲追兩官並勒停推官崔堯章司理鄒長卿各罰銅
二十斤銜替推官謝辰司戶盧叔度張翼並銜替坐裁
減蠻人管設生事雖去官會赦皆特責也 七月六日
詔將作少監鍾浚銜替坐西府蒲宗孟位修屋多役兵
匠初無朝旨詔以浚邪佞不法故有是責 十七日詔

太常大理衛尉司農寺將作都水少府軍器監長貳主簿並降一官正丞並展磨勘二年各以去官原先是寺監主簿止是專掌簿書寺監事自當丞以上通議施行今取問逐處不應僉書官並僉書公事故也 同日知瓊州劉威勒停坐擅遣瓊山縣令李好龍往來朱崖軍火黎人居會赦特責之 十九日前提點廣南東路刑獄林楨降一官以在任點檢軍器不精也 八月十八日中大夫尚書右丞蒲宗孟守本官知鄆州尚書工部侍郎王克臣罰銅二十斤工部郎中范子奇員外郎高遵惠將作監丞韓玠各罰銅十斤少監鍾浚罰銅八斤宰臣王珪蔡確各罰銅八斤右丞王安禮罰銅十斤以

御史楊畏言樞密院吏周克誠申乞修葺左右丞兩位
廳堂止是蒲宗孟王安禮僉書用尚書省印號不赴王
珪蔡確書押又不經開拆房行下工部工部案檢批稱
不候押先印發是夜四鼓巡兵下符將作監詔中丞黃
履與楊畏等推究故有是命 同日朝散大夫前知徐
州趙鼎勒停坐以買箔為名差人船載家屬應徒二年
私罪會赦特旨也 二十一日宣德郎前鄆建路經畧
安撫司機宜文字徐勲除名文思副使前鄆延路走馬
承受公事楊元孫右侍禁安撫司主管文字劉航各追
一官左班殿直閣門祇候种朴追閣門祇候並勒停文
思使李珪內殿崇班李彥申東頭供奉官安合右侍禁

楊達右班殿直劉伯初宣義郎監延州鹽稅鍾正範罰銅有差以大理寺上勲盜用印印奏狀元孫私役人航朴各奏事不實珪等各告囑差遣并報上不實也 二
十二日都水使者范子淵追一官知河陽張問罰銅二十斤子淵坐開河奏死士夫不實問坐上書誤也 同
日國子司業朱服丞葉祖洽主簿王元各降一官祖洽仍罰銅二十斤服坐擅令主簿主管錢庫收支祖洽坐不監視開閉再令主簿主管故也 九月二十六日前
京東路轉運使朝散大夫集賢校理知亳州劉欽落集賢校理降朝請郎增差監衢州鹽倉坐任內不能修舉職事經用闕乏也 十月八日東上閤門使李綬閤門

省班祗候主管簿書宋琛各罰銅十斤客省使曹評東
上閤門使曹偃客省副使曹誘客罰銅六斤坐失點檢
江東轉運判官鄭擅見有罪被劾乞上殿故也 十六
日廣南西路轉運判官馬彥先衝替坐與副使馬默不
協所奏歲計異同故有是命 十九日宜州監押陸原
資命免決刺除名配沙門島普儀寨監押何希古權融
州都巡檢李貫除名十里外編管通判曹觀前坐他罪
候當叙日辰三暮推官孫立節司戶張峒各衝替土丁
指揮使莫令頌石驛指揮使陸計宜州澄海十將謝進
並特放罪初安化州蠻賊千餘人致劫原等坐與蠻賊
鬪先退覲征討稽期立節等失出令頌流罪而令頌等

以嘗累白陸原欲出救應之故也 二十一日朝奉大

夫試尚書戶部侍郎塞周輔降一官江陵府長林縣主簿塞序辰除名市易務下界監官宋喬年梁鑄內殿崇班荷守規借藏史安世各奪替宋仲約刺面配車營務少府監修製官宋世隆刺面配沙門島周輔坐不覺子貸官錢以措置江西福建益事有勞免廢黜序辰貸度僧牒錢喬年鑄不覺吏乞取安世降錢餘並以貸官錢連坐會赦時斷也 同日祁州官吏資政殿學士光祿

大夫呂公著以下八人各降一官坐違法差禁軍防送罪人 同日皇城使惠州團練使李舜聰免勒降兩官辰三暮叙坐提舉開封府界賊盜巡檢私使兵級及

事發自訟不實會恩也 十一月二十四日戶部尚書

李承之侍郎塞周輔各罰銅十斤金部郎中晁端彥員

外郎并亮采各罰銅八斤戶部及都省吏以差罰金以

議茶法不當也 十二月二日監察御史陳師錫送尚

書吏部坐乞罷諸生習律唱為陂說惑亂士聽故也

七年正月十一日提舉京西南路常平等事承議郎葉

康弼衝替以尚書戶部言六年終提舉官歲考功過簿

康弼比諸路上簿獨多故也 十三日戶部侍郎塞周

輔罰銅六斤員外郎陳向八斤坐違法割門下侍郎章

惇俸錢於相州也 十八日廣南西路轉運使張頤陳

倩副使苗時中馬默朱初平吳潛判官朱彥博謝仲規

各罰銅二十斤坐本路提舉常平等事劉誼於桂州治
廨舍費官錢萬緡不切覺察故也 二十四日知渭州

盧秉知延州劉昌祚各罰銅三十斤坐得蘭州被圍聞

報不即出兵牽制也 二十八日降右諫議大夫趙彥

若一官試祕書監坐輒侵越御史論事故也 二月十

二日降引進使高州防禦使李浩為四方館使皇城副

使吉州防禦使苗履為左藏庫使以奏賊犯蘭州事

異同也 十三日前汀州通判奉議郎郭祥正勒停坐

權漳州補僧道亨住持不當受金悔過還主及違法差

送還人經赦也 三月九日知洺州朝請大夫王荀龍

通判奉議郎孟蘊各降一官坐差禁軍防送也 十

日監察御史朱京降監興國軍監酒務坐言重楊休宋
彥磨勘不當故也 十六日詔浮圖寨監押戚直是立
貸死免除名勒停追兩官衝替坐令十將續建殺投降
都頭寨主王傑 二十五日郾城路第二將西頭供奉
官張禧追一官勒停初經畧司劾禧罪法當罰銅既而
劉昌祚言禧故不稟本司處分至殺無罪十四人有司
議法不當情恐將佐觀望以誤邊計故有是命 二十
七日宣德郎權檢詳樞密院兵房文宇黃寔衝替坐御
史朱服言寔以舅陳朴之喪率飲士大夫以為將內有
武臣隸樞密院尤於事體有嫌望付有司推治詔送大
理鞠實故有是命 三十日廣南西路轉運判官許彥

先已差替改為衝替坐輒以本職事妄移他司肆為張
皇誼言闕之內搖士卒之心外亦示弱蠻夷有虧邊備
故有是命 四月二日秀州軍事推官桑景彝左侍李
倅並除名宣德郎裴陟追三官勒停景彝仍送唐州編
管景彝侔皆悍徒以巧勝陟錢運坐污濫也 十七日

廣南東路轉運副使孫迥提舉常平等事朱伯虎各降
一官知廣州朝請大夫竇文閣待制王臨落職知濠州
通判畢居卿司理滕伯雄陳諤番禺縣尉石大受轉運
司主管文字連希元並衝替臨坐鞠孫迥求羈居卿隨
從臨迥不檢舉轄下兵替換優重差遣及失出入鄧滿
等罪伯虎奏事不實伯雄何卿私益事不盡諤鞠石大

受事不盡太受以官板造匣拷平人希元隨順迫不檢
舉轄下兵雖會赦特降是命 五月九日候備庫副使
知火山軍康鼎衡替以在任籍行人糧斛故也 二十
二日通直郎竇文閣待制知潭州何正臣奉議郎提點
湖南路刑獄劉載各降一官通判潭州李綱罰銅十斤
正臣知廬州載綱並衡替綱坐私忿提點刑獄司吏教
人舉首而案其罪正臣再坐互論奏故不以實也 六
月一日太中大夫龍圖閣待制知江寧府陳繹免除名
勒停追太中大夫落龍圖閣待制知建昌軍千承務郎彥
輔衡替繹坐前知廣州作木觀音像易公使庫置像私
用市舶乳香買羊虧價為絹二十八匹彥輔坐役禁軍

木棉非例受公庫饋送而報上不實 七月十一日侍
御史張汝賢落侍御史知信陽軍坐論王珪王安禮陳
乞子姪差遣不實也 同日入內內侍省東頭供奉官
麥文昫衛哲以管押回鶻韃靼蕃到熙河令人於蕃界
內市快行馬等故責之 十八日判大名府王拱辰罰
銅十斤館陶尉姜子厚冠氏尉桑嘉之知縣鄭僅各罰
銅八斤坐擅役保甲會赦特責之 八月五日吏部郎
官罰銅十斤都省郎官六斤給事中韓忠彥言吏部奏
鈔擬注江寧府司錄叅軍前刑部法直官郝京試大理
寺直廢條用例故也 九日監察御史來之邵為將作
監丞先是御史中丞黃履言之邵頗雜戶女為婢乞付

有司根治故有是命 二十六日六宅使涇原路都監
知鎮戎軍張世矩追兩官免勒停罷都監領榮刺史知
鎮戎軍坐先為河東軍馬上出界功狀劾用賈仲寶重
傷不實盧秉等言乞少寬假詔候案上取旨故也 九
月二十五日河東都轉運使朝請大夫天章閣待制陳
安石權判官奉議郎莊公岳各罰銅二十斤主管文字
奉議郎晏明宣德郎王惟正各十斤坐不應副麟府州
賞功絹也 十月二十四日泰寧軍節度推官知大名
府華縣晁禮追三官贖銅二十斤勒停十里外編管坐
以官錢貸進士闕師道及師道請求欲預借保甲錢買
弓箭為提舉保甲司所劾 二十九日詔河北路轉運

使蹇周輔附罰銅十斤坐奏供備庫副使翟儀避責罰乞
致仕朝旨依衝替人例儀子元建言乞定奪刑部考實
如元建所言乞衝替故也 十一月五日大理寺斷官
罰銅十斤餘千繫官各八斤刑部千繫官吏各六斤以
尚書省言大理寺斷潞州民王德與弟亮婦程姦造意
與程謀殺亮死程案問從故殺處死德減死流二千里
刺配案王德不應程為首減等故也 八年三月一日
詔熙河蘭會路經畧安撫制置使李憲追入內內副都
知武信軍節度觀察留後應熙河蘭會路差遣並依舊
以遣將討賊有功特免勒停安州觀察支使主管機宜
文字鍾傳除名勒停郴州編管東頭供奉官閤門祇候

書寫機宜文字李宇閣門祇候右侍禁點檢文字蔣用
左班殿直熙河北關守把兼制置司譯語米安並追一
官罰銅十斤免勒停右班殿直皇甫旦除名勒停南安
軍編管左衛禁通遠軍榆木岔巡檢何貴西頭供奉官
熙河路監牧指使張守榮並降一官免勒停坐奏邊功
不實也 五月八日太原府路兵馬鈐轄專管勾鄧延
路軍馬公事張之諫降充鄜延路兵馬都監以本路經
畧司言之諫措置乖方與諸將不叶故也 二十四日
戶部侍郎李定給事中兼侍講蔡卞起居舍人朱服各
降一官權知開封府蔡京判官胡及推官李士良各罰
銅八斤卞服坐知貢舉日貢院遺火京及士良坐救火

延燒雖會赦特責故也 十月二十五日朝散郎直龍
圖閣權提點開封府界諸縣鎮公事范岫落職知臨江
軍以應奉山陵與戶部更相論奏不直也 十一月十
六日王子京罷知秦軍以前任福建路轉運副使日買
茶抑配故也 哲宗元祐元年正月十二日朝散大夫
光祿卿嘉問知淮陽軍以監察御史孫升言市易之法
初行嘉問實領其事因上壞法失陷甚多故有是命
二月十四日福建路轉運副使賈清添差衢州在城鹽
酒稅轉運副使王子京添差監永州在城鹽倉兼管酒
稅務轉運副使陳絃坐罰金先是福建路按察張汝賢
言青提舉鹽事嚴督州縣廣認數目令銷戶均買于京

相承違法過為督迫紘明知新增鹽額高大曾無辭故
有是命 二十二日刑部侍郎蹇周輔落職知和州權
江南西路轉運判官朱彥博知興國軍承議郎司封員
外郎蹇序辰簽判廬州奉議郎程之邵罷提舉梓州路
常平等事以右正言王覲奏竊見江西福建鹽法皆蹇
周輔等相度增添課額害民罔上故有是命 二十八
日成都府提點刑獄郭槩特差替以右司諫蘇轍言近
以蜀中賣鹽推茶及市易比較為人疾苦槩體量事實
畏憚茶官陸師閔提舉韓玠權勢不依限體量乞罷出
故有是命 閏二月四日知邵武軍張德源特銜替以
右司郎中張汝賢言德源增鹽額抑配故也 同日提

舉荆湖南路常平等事張士澄特衝替郊司賈送吏部與
合入差遣以江南西路按察司言蹇司輔請運廣司鹽代
淮鹽例涉搔擾陳司士澄附會增數肆行抑配而司賈亦
與焉司已死士澄司故有是責 二月十八日劉淑罷
祠部郎中差知宿州江西湖南路發運使蔣之奇特展
二年磨勘仍罰銅十斤以監察御史孫升言江西湖南
鹽法之害知吉州魏綸虛增鹽數民最苦之綸既以丁
憂去官而發運使蔣之奇乃薦綸志心職事乞候服闋
再令知吉州江南西路轉運使劉淑再任本路首尾五
年坐視毒虐其民曾無一言今乃除祠部郎中望特正
蔣之奇劉淑之罪故有是命 四月十八日李憲降節

度觀察留後一官提舉亳州明道宮王中正降遙郡團練使刺史提舉兗州太極觀並本處居住石得一降為左藏庫使管勾西京崇福宮宋用臣降為皇城使添差監太平州茶鹽酒稅以御史中丞劉摯殿中侍御史林旦言中正元豐四年將王師二十萬由河東入界徘徊境上逗遛不進公違詔書坐失興靈會師之約天寒大雪士卒饑凍物故者十七八李憲之於熙河貪功生事一出欺罔興靈之役憲首違戒約避會師之期乃頓兵以城蘭州遺患今日及永樂之圍憲又逗遛不急赴援使數十萬衆肝腦塗地罪盈惡貫宋用臣奮其私智以事誅求推奪小民衣食之路瑣細毫末無所不為使盛

朝之政幾甚於弊唐除陌間架搨地之事傷污國體石
得一領皇城司夫皇城司之有探邏也本欲知軍事之
機密與夫大姦惡之隱匿者而得一忠殘刻之資為羅
織之事以無為有以虛為實上之朝士大夫下之富家
小人飛語朝上而暮入於腔杆矣是四人權勢蜂蟄震
灼中外先帝未及肆其誅於市朝而以遺陛下伏乞聖
慈以臣章付外議正四罪暴之天下而竄殛之故有是
責 五月六日梓州路轉運副使李琮知吉州先是臣
寮言琮在江南兩浙淮南路以根究逃移為名增常賦
取民令監司考實至是諸路言琮以遠年開闢稅賦令
人戶均納故有是命 十八日相州觀察使知潞州張

誠一特追觀察使遙郡防禦團練使刺史依舊客省使
提舉江州太平觀以左司諫王巖叟言誠一盜取父墓
中犀帶故有是命 二十七日吏部員外郎呂升卿通
判海州以右正言王觀言其有狀引用朝旨及先帝德
音乞理知州資序貪競反覆故有是命 六月十二日
金部員外郎呂和卿權知台州以右司諫蘇轍言其愚
駸貪殘不宜實在省闕故黜之 同日知濟州朝請郎
段繼隆特勒停權知開封府蔡京特罰銅二十斤繼隆
坐妄冒奏薦恩澤而京失根治也 二十五日中散大
夫光祿卿分司南京蘇州居住呂惠卿前司諫責授建
武軍節度副使本州安置不得僉書公事以司諫王巖

吏言前責未厭衆議故有是命 二十七日實文閣待
制知靈州楊汲落待制刑部侍郎崔台符知相州大理
少卿王孝先知濮州以監察御史孫升等言孝先等乘
先帝不豫之時斷王仲京徇情曲法之罪故也 同日
承議郎都大提舉成都府永興軍等路權茶事陸師閔
降授奉議郎主管兗州東獄廟以御史中丞劉摯言師
閔領數路與為姦者衆也 十月十八日章惇依舊知
汝州罷揚州新除以左司諫朱光庭言其在樞府悖慢
失大臣體謫官未踰年遽移大藩遷陞無名 二十六
日江西路提舉常平等事曾孝廉特不以赦原追兩官
勒停送房州安置以撫州制勘到孝廉驅迫知州石禹

勒獄死及奏事不實故也 二年二月十六日觀文殿

大學士正議大夫知陳州蔡確落職守本官知亳州以

御史中丞傅堯俞等劾奏確居相日竊弄威福故縱其

弟養成姦職故也 二十八日新除知亳州蔡確知安

州以給事中顧臨右諫議大夫梁燾右司諫王覿共言

其姦惡乞重行屏斥故有是命 五月四日西京左藏

庫副使邕州左右江都巡檢使成卓責授內殿承制添

差監均州酒稅以樞密院言其任任交人不當及擅將

黎文盛所上書狀錄與安南等罪故也 同日前廣南

東路經畧安撫張頤提點刑獄林頤各展二年磨勘轉

運副使高鑄轉運判官張升卿各降一官升卿乃與小

郡通判坐言者論頡等不戢將佐因捕岑探殺及平人故也 二十三日朝請大夫充龍圖閣待制知

洪州

本降朝散大夫以先知桂州分畫地界失當故也 六

月八日朝散大夫新除吏部侍郎兼侍讀傅堯俞為龍

圖閣知陳州先是監察御史張舜民以論夏人邊事失

旨詔罷舜民御史以祕閣校理判鼓院時堯俞為御史

中丞言比聞監察御史張舜民因論邊事文彥博照管

劉奉世失實罷言職竊以朝廷置御史蓋慮下情壅塞

以開廣聰明故得風聞言事今舜民一言不當便奪官

改差遣於舜民何損而無益陛下亦非彥博所敢安者

監察御史上官均言舜民所論文彥博事得於傳聞不

敢隱默以負朝廷使其言為是陛下所宜虛心而行之
其言為非苟無邪枉附會之意陛下亦當察其跡直無
他以聞諫諍之路今以一言之失遽行罷黜臣竊恐自
是言者以舜民為戒望還舜民職任以安士論右司諫
朱光庭言舜民有正直之節司馬光賢之薦充館職陛
下擢至御史士論皆以為得人今視職纔兩月正直之
節未獲少伸一言不合大臣已聞罷職自陛下臨御以
來天下之人唯知從諫如不及聖德冠古今若遽使舜
民罷職使陛下今有逐言事之官名臣為陛下惜之望還
舜民舊職以盡其効古司諫王覲右諫議大夫梁燾侍
御史王巖叟監察御史韓川等相繼論列章數十上詔

令三省樞密院召堯俞等赴都堂出舜民章示之仍諭以愛民不獨妄論大臣且今日朝廷務以安邊息民為心而舜民謀動師旅非體國也然知其無他故止去言路從他職恐外庭不知故茲宣諭堯俞等退終守前論已而堯俞巖叟因言殿中侍御史呂陶監察御史上官均皆為臣等言亦嘗論留舜民各於衆坐誦其疏中語今都堂之召二人不預疑二人有欺有旨陶均分析陶狀云欲之其後意寢均狀云實有疏不安而堯一日遇給事中張問於禁中面詰問以不能駁還舜民制命為失職老而不仕職貪祿不去是不知世所謂廉恥監察御史孫升因劾堯問不職而疏引堯語既而批旨付三

省曰巖叟光庭觀川等久在言路多所補益宜稍遷擢
燾於禁省詔同列升朋附黨宜罷於是巖叟等第遷皆
避新命巖叟改直集賢院知齊州堯俞改吏部侍郎侍
講讀如故堯俞乃言與巖叟事始末同願并罷補郡故
有是命 七月四日知絳州李元輔轉官減年磨勘各
追奪一半元輔初以轉易川陝錢物有勞遷官至是御
史呂陶言其侵漁冒賞故有是命 八日新少府少監
沈季長罷少監知秀州以左諫議大夫孔文仲言季長
本無學問技能徒緣宰相王安石族婿鼓唱王氏經義
聾昏衆學一旦召從外路副貳寺監季長之黨市散如
蟻一季長進則百季長相繼而來不可拒矣故有是命

八月二日朝奉郎古司諫賈易知德州以言事失當

故黜之 十二日司農少卿朱彭年權知邢州以御史

趙岫言其險刻也 十月二十八日資政殿學士王安

禮提舉西京崇福宮初安禮除知成都府辭不行言者

論其託疾辭遠故有是命 十一月八日肅遠寨巡防

右侍禁戴榮追兩官蕃官東頭供奉巡檢慕化追一官

罷任以擅入西夏界侵_也 三年二月八日司勳員

外郎何洵直特展二年磨勘以亡失司勳印及告身故

也 二十四日蔡確章惇罷所復職確知鄆州惇知越

州以給事中趙鼎論駁也 四月二十五日詔龍圖

閣直學士提舉南京鴻慶宮盧秉隆為寶文閣待制展

二年唐勣奏熙寧間推行二浙鹽法犯禁抵罪者多論
者及之故有是命 五月二十五日承議郎右諫議大
夫王觀直龍圖閣直學士知潤州觀彈奏尚書右丞胡
宗愈故有是命 七月十二日皇城使漢州刺史廣南
西路兵馬鈐轄張整內殿承制閣門祇候知融州溫高
各降三官整就差監江州稅務高就差監歙州茶鹽
酒稅右侍禁權卽州臨口寨主鍾仲仁左侍禁管勾融
州臨溪堡事兼地分同巡檢杜震各降兩官銜皆仍令
後各不得差充廣南荆湖路差遣整高坐擅斬蠻人楊
進新等十有九人仲仁震坐誘致進新等以邊事未寧
特免究治故有黜責 九月七日龍圖閣待制權知開

封府錢總知趙州朝散大夫倉部郎中范子諒知蘄州
朝奉大夫新差提點江北西路刑獄林邵知光州仍各
罰銅二十斤內總展三年磨勘邵展二年磨勘以坐奏
獄空不實也 十二月二十二日詔江寧府司理參軍
鄆州州學教授周橦罷歸吏部以劉安世蘇軾言橦欲
以王安石配享神宗也